

LESA UYO WACINDAMA MU LUSE



Imwe kuti mwaikala. Naciba ngo wacisendwa, ukwingila no kumona Munyina Moore kabili na bonse muli bena kuno ku ntanshi, ifibusa ifyo naishiba pa myaka ingi. Cena mucine li shuko ukubamona kuno muno bushiku. Ndeumfwa ngo wacepesha ukwiminina kuno no kulanda na bakasambilila wa fya bulesa aba be fi kunuma yandi, kabili nalimo bena bali no kunungamika nga nalufyanya. Ndesubila ifyo.

² Ifwe tuli abansansa nganshi muno bushiku ukukwata umuntu umo kuno, Nkashi Rose. Ifwe twacilaisa kuno. . .Naciba na Munyina Shores ne nkonkani yakwe, ilelo, ku cakulya ca kasuba icinono. Kabili mulya mu nshila, Munyina Williams alisosele ukutila Nkashi Rose ali mulwele nganshi. Kabili ifwe twalile mulya ukumumona pakashita fye, twalifukeme panshi. Kabili wene alikwete impepo sana, kabili ukulwala nganshi. Amashiwi fye ayanono aye pepo, kabili Shikulu alandile kuli ifwe, kabili atile, “Wene ali no kundapwa, kabili wene akaba kulya mailo mubushiku.” Kabili uyu ali muno muno bushiku, naikala muno mwine fye. Cilya cishinka.

³ Nkashi Rose, iminina fye pali miniti, pa kutila bena. . .Ifwe tuletasha kuli Shikulu. Ena ali pa busanshi. Ena atile, “Ka—kasebanya alinguma fye pa fintu fyonse. Naishile kuno lubali kabili nalikwete ubwafya ne ci,” cimo icapala ngo bulwele bwa pa mukolomino, kabili na fimbipo. Lelo Shikulu na mulenga ukuba kuno, e ico kuli cilya tuli abansansa. Ukutasha Shikulu uwatemwikwa!

⁴ Nomba ifwe tulekwata inshita ishawamisha. Kabili mailo mu bushiku, nomba, ifwe tukaya kulya ku—ku Ramada. Kabili mwilabako nomba, tacakabe kuno mailo mu bushiku, cikaba ku Ramada. Kabili umusonkano ukatendeka inshita ya bushiku ikakonkapo. Balingile ukunundilako na ine inshita na imbi imo iya bushiku, namwishiba.

⁵ E ico mailo mu bushiku ine—ine nalile apatali nganshi ukufuma mucipimo, nali ngo wailaile ne mwine ukutila, ukutendeka kwa mwaka, ukutila ndi no kuputula shilye Mbila ukufuma kuli yatatu atemwa yane, ama ora yasano, nalimo mu makumi yatatu atemwa ama miniti amakumi yane, kabili nge fyo namwebele mailo ubushiku, umukashi wandi alintashishe pa mulungu, atile, “Walicita bwino nganshi.” E ico—e ico kanshi, mucine, naishileisa mailo bushiku no konaula cena, mwamona. Lelo nali ama miniti amakumi yasano na fisano, mucifulo ca makumi yatatu, mailo ubushiku.

⁶ Ukwisa, muno bushiku, Billy atile, “Ni cinshi muli no kulandapo?”

⁷ Natile, “Cisuma, ni nkwata utwakulemba utunono utulembelwe pano, na Malembo yamo. Nshishibe, yamo muli yena, shine atemwa shisano Imbila shapusana.” Natile, “Ndomfwa ilyo naya kulya, no kumona ico cilecitika.”

⁸ Atile, “Imwe mwalilaya ukupepela bonse balya bantu abalwele.”

Natile, “Ee, mukwai. Niyanga amakadi ayo kwete?”

Atile, “Imyanda ibili.”

Natile, “Ningile ukutendeka pali yena, mu bushiku.”

⁹ Kabili atile, “Nomba ibukisheni, imwe mukwete fye ama miniti ikumi limo na fisano ukulanda.” Atile, “Imwe mwalisendele ayashala aya yena mailo bushiku.” [Munyina Branham no lukuta baseka—Ka.] Ifwe twalaangufyanya, bushe nshacite?

¹⁰ Cisuma, ifwe twalipele ubulayo kuli imwe, ukutula ifwe tukapepela balya bantu abakwata amakadi yakupepelwapo, kabili ifwe tuli—ifwe tuli no mulimo ku bulayo, mucine. Ifwe kuti twabaleta bonse ukupita muli iyi milongo, kabili nangula ine kuti naba uwakucicita ukubeta umo umo, mulya mwi bumba. Nangula Mupashi wa Mushilo engapela cena kuli ine, ine—ine tekuti njiminine fye ukucicita. Fyena fyafulisha kuli ine. Kabili, lelo ifwe bonse twalishiba filya fintu. Ifwe twalishiba ukutula Lesa acili ni Lesa. Tacaba ukutula cilya cilondapa. Cilya caba fye ico cikula icitetekelo, ukutuleka ifwe ukwishiba ukutula ifwe tuli mu Mulola Wakwe.

¹¹ Kabili ifwe twalapepela, muno bushiku, bonse balya bantu abalwele, cila uwa bena abakwete amakadi yakupepelwapo, abakupepelwa. Kabili elyo mailo bushiku, kulya ku Ramada, ifwe tukesha ukupela nayambi ayengi no kutendeka ukubapepelela kulya lubali, pantu ine ncili ni nkwata mailo bushiku. Kabili ine ndetontonkanya ni nkwata imo inshita ya bushiku iya musonkano, nalimo icakulya ca lucelo naco. Cili umusango ifintu fikesabelamo.

¹² Kuliko bamo, umo pa balelanda ushilati amoneke; talati na nomba, nshiletontonkanya. Munyina Humburg, atemwa ni fyo. . . [Munyina atila, “Amburgy.”—Ka.] Amburgy, Amburgy, Kash Amburgy. E ico ine—ine ndeumfwa lyena mucilubo, lilya ni lilye shina lya ci German. Ine—ndemona lilya lya ci German. E ico nalaba ngo walatitikisha, nge fyo tuciita, njeleleniko insoselo, kuli wene.

¹³ E ico ifwe twalikwete inshita isuma muli Shikulu, nangula. Kuli imwe bonse, nga kuliko abeni bamo muno muno bushiku, ifwe mucine tuli abansansa ukuba na imwe muno,

kabili tulesubila ukutila Shikulu alamupala. Ndepepa ukutila tamwabe umulwele uuli onse mucikulwa ilyo twafuma muno bushiku, ukutila Shikulwifwe alaika mu Maka Yakwe ayakalamba kabili alaundapa bonse abalwele na bacushiwa.

¹⁴ Kuno te kale sana, nalesenda umuntu umo umo mukulanshanya ukwaibela, imo imilandu iyakosesha iyo twafililwe ukupwisha. Elyo fyaishilefula bwangu nganshi, mpaka calingile ukuba, Shikulu alitwalilile ukupala cena, mpaka natukwata itatu atemwa imyanda ine ilelolela, kabili e ico lyena abantu balomfwishiwa ububi pantu bena bali no kulolela. Nalimo, muli ilya nshita, imwe kuti limbi mwalolela mpaka umwaka atemwa ibili, pa kutila kwingaba ukwisa kuli cena, mwamona, mukati fye ka kulongana, ukubasenda ku fyakulanshanya. Kabili ifwe kuti twaikala fye no kulolela pali Shikulu mpaka Ena atweba filya fine fye ubwafya.

¹⁵ Takuli nokutwishika kuliko abantu abekele muno muno bushiku abo abali kuli kulyo kulanshanya ukwaibela. Bushe emo bali? Natumone imwe ukwimya amaboko yenu. Pa kulanshanya ukwaibela. Ee, balya na bekala, e ifyo, kabili ukwishiba ukutila cilya cishinka. Ifwe tulolela fye ukumona ifyo Shikulu engasosa, ifyo bulyo bwafya. . . Kabili elyo nali no kulekela cilya kuno inshita imo akale. Naebele Billy ukutila ifwe teti tukwate ukulanshanya nakumbi ukwa kumbali.

¹⁶ Mwamona, ine—ine—elyo nacila fye amakumi yabili na fisano, ili line, umuku wacibili, kabili ukuya fye ukulola ku muku wa butatu. Kabili eico ilyo mulekulilako panono, cinsi, imwe ta mucita, imwe. . . mu nshila imo imwe teti mube nge fyo mwaleba. Intampulo shenu shilepifiwa. Kabili—kabili, mucine, Munyina Moore taishibapo nangu cimo palwa cilya nomba. Ena. . . Ndetontankanya ifwe tuli pa cifulo cimo ukufika pa cimo cimo cine.

¹⁷ Lelo amenshi ayengi yalipita mumumana ukutula ilyo iwe na ine, kabili Munyina Brown aishile kuno umuku wakubalilapo, na Munyina Outlaw na Munyina Garcia, na Munyina Fuller. Ndesunguka nga cikutula aba ba baume bali muno muno bushiku? Munyina Garcia, Munyina Fuller, Munyina Outlaw, bushe bali muno? Imyeni amaboko yenu ngemo muli. Ee, ulya palya Munyina Fuller, ndecetekela, nga nshilubile. Munyina Outlaw uku lubali. Munyina Garcia, ine—ndecetekela nangula ukutila ena alifuma mu Phoenix. Ndetontankanya cilya cintu calungama. Ena—ena alifuma ku Phoenix, kabili ena ali kulya mu California. Cisuma, cena mucine cali ni nshiku ishawama, kabili ine ncili nalicetekela Imbila imo ine iyo nakwete lilya, “Yesu Kristu cimo cine mailo, ilelo, no muyayaya.” Ndemona cilya caba nalimo. . . Cisuma, Becky ali akanya. Cilya caba nalimo imyaka ikana ikumi limo na pabula.

¹⁸ Kabili ena nomba umukulu, umukalamba, uwa ina, umukashana umubi naikala kunse kulya pa cifulo cimo, ne myaka ya kufyalwa ikumi limo na pabula. Uli kwisa, Becky? Mune, ali no kunkonka pali cilya. Ndeibukisha ukumusenda mu kuboko kwandi. Ine mucine kuti nakwata umulimo ukucita cilya muno bushiku.

¹⁹ Ibukisheni kulya ku lukuta lwakwa Munyina Garcia inshita imo iya bushiku, ena ali umuntu umunono uwaonda. Kabili natile, “Ifwe natukwata ukulongana ukwa calo conse muno bushiku.” Natile, “Ndelanda kuba Spanish.” Kabili natile, “Umukashi wandi kuno mu German.” Natile, “Ine ndi mu Irish.” Kabili natile, “Kabili umukashana wandi munono ni Nsamya,” kabili ulya ali ni Becky.

²⁰ E ico ilyo nafumine panse ku mwinshi wa kunuma, kwaliko umukashana umunono umu Mexican kunse kulya, atile, “Munyina Branham!”

Natile, “Ee, mutemwikwa, cinshi ico ulefwaya?”

Atile, “Bushe tauletontonkanya umwana obe musweshi panono, ukuba Nsamya?” Ena musweshi, namwishiba.

Kabili natile, “Ni Nsamya fye mu micitile.”

²¹ Cisuma, ifwe tuletasha, ukutila, tuli muno nakabili muno bushiku. Nomba ilyo ifwe tatulapalama Icebo, lekeni tupalame Wene, pantu Ena e Cebo. Ilyo Icebo calengwa ukumoneka, cilya ni Wene muli imwe.

²² Nge fyo twakwete mailo ubushiku pa *Ulubuuto Ulwaibela*, bushe mwalitashishe cilya, amapalo yakwa Shikulu? [Ulukuta, “Ameni.”—Ka.] Ine—ine mucine ndetasha ukulete Mbila kuli imwe. Kabili ifwe tulemona ifyo imbuto shili.

²³ Nomba bushe kuliko icakulomba icaibela muno bushiku, icintu fye cimo icaibela? Nalimo bamo muli imwe bonse abali no kuba mu mulongo wakupepelwa, musose, “Les, beni no luse. Ilyo naisa mukupepelwa, lekeni icitetekelo candi cime ukukumanya ifilefwaikwa.” Kabili—kabili nalimo umuntu nakwata umu mutemwikwa, umulwele, kabili ne cintu cimo. Bushe kuti mwaimya fye ukuboko kwenu pa kutila Lesa engalolekesha fye panshi no kusosa... Nomba nga cilya... Imwe tamwishibe ifyo cilya cinenga ukumfwa ukulolekesha uko. Lolekesheni fye ukukabila ukuli muno! Ba munyina bakapyunga, lolekesheni fye pali cilya. Mwamona? Nomba, nga cilya cilenenga ine ukumfwa ulya musango, cinshi cena cicita kuli Shifwe? Mucine.

Nomba lekeni tupepe.

²⁴ Uwatemwikwa Yesu, ifwe tulepalama nomba icipuna ica Bufumu ica luse, ukupitila muli ili ilyalinga Ishina. “Pantu takwaba Ishina limbi ilyapelwa pakati ka bantu uko ifwe

twingapusushiwa, kano fye ili Shina lyakwa Shikulu Yesu.” Kabili ifwe tuleisa mwi Shina Lyakwe. Kabili ifwe tulepepa, Shifwe uwa mu Mulu, ukutila Imwe mwalatupokelela, muno bushiku, nga bana Benu abacetekela. Kabili beleleni uluse ukukana tetekela kwesu, Shikulu. Afwilisheni kwena muno bushiku, ukutila calaba ukutila ifwe twalacetekela umupwilapo Icebo cakwa Lesa conse muno bushiku, pa fintu fyonse ifyo tulekabilapo.

²⁵ Namwishiba ifili pe samba lya aya maboko ayo ayemishiwe; kuliko amalwele, bamo muli bena limbi mafya yapa mayanda, bamo muli bena amafya yandalama, bamo muli bena bali abafunshika, nalimo bamo ababwelelenuma, bamo aba bembu. Conse icakukabila ifyo cili, Imwe muli abapulamo ukucimfya pa mulwani uuli onse. E ico ifwe tulepepa, Shikulu, ukutila—ukutila muno bushiku, ukutila ifwe tuli no kwishiba ukutila abalwani besu, cila umo, balicimfiwa, mpaka na kumfwa ine. Kabili ukutila ifwe tuli abapulamo pabacimfya muli Wene Uyo—Uyo uwa tutemenwe no kuipela Umwine pa mulandu wa ifwe, alitusamba ifwe mu Mulopa Wakwe.

²⁶ Ifwe tulepepa, Shikulu, ukutila ukanatetekela konse, ukutwishika konse, ukukalifishiwa konse, conse ico icishapala kuli Lesa, calafulumuka kuli ifwe muno bushiku, pakutila Mupashi wa Mushilo engaba ne nshila yakwe mu mitima yesu. Lekeneni Ena alande kuli ifwe mu nshila shakupapusha. Lekeneni Ena alande kuli ifwe mu Maka Yakwe. Lekeneni Ena abushe balya abali—abali abafwa ku mupashi, bwesesheni ubumi busuma kuli abo abali abalwele na balecushiwa, kosheni amaboko ayalemba, na makufi ayatetema. Kabili lekeneni kube inshita yakusangalala.

²⁷ Lekeneni kwena kwise muno bushiku, Shikulu, ukusha ici cifulo ku Ramada Inn, no kutendeka umo musonkano uwapulishamo nganshi uyo watala ukubamo muli uno musumba. Shikulu, ilyo ifwe tulongene capamo no kupepa! Mwatile, “Nga bantu abo abaitwa kwi Shina Lyandi, bakalongana abene capamo no kupepa, lyena Nkomfwa ukufuma ku Mulu.” Kabili, Lesa, ifwe tulepepa ukutila ici cili nokuba fyo, muno bushiku.

²⁸ Nomba, Tata, ilyo tulebelenga Icebo, takuli nangu umo uwingelula Cena kano Imwe, Imwe mulailwila Mweka Mwebene, kabili ifwe tulepepa ukutila Imwe mwalailula kuli ifwe ifintu ifyo tulebelenga muno bushiku. Pantu twalombela cena mwi Shina lyakwa Yesu. Amen.

²⁹ Nomba nga bengi muli imwe balefwaya fye ukulemba Amalemba ayo kapyunga abelenga. Kabili ndefwaya imwe uku, muno bushiku, nga kuti mwacita, ukupilibwila ku Bena Efese.

³⁰ Kabili nalelanda pa Mulungu uwafumako mu Bena Efese, ifyo kutila Ibuku lyakwa Yoshua lyali Abena Efese aba mu Cipingo ca Kale, kabili ifyo lyena lyali Ibuku lyakulubula.

³¹ Kabili ukulubula kwa kwata ifiputulwa fibili: “ukufumamo” kabili “ukwingilamo.” Intanshi, mulingile ukufumamo. Bamo abantu bafwaya ukuletamo isonde na bena; lelo imwe mulingile ukufuma mwi sonde, ukwingila muli Kristu. Imwe mulingile ukufuma mukukana cetekela, kukwingila mucitetekelo. Teti kube icintu cimo mu nshila yenu. Ukukwata icituntulu icitetekelo icapwililika, imwe mulingile mucine ukusha ifintu fyonse ifyo fyaba ifyapusana ne Cebo cakwa Lesa, kunuma, kukwingila mucitetekelo.

³² Kabili cilya cali li Buku lya Bena Efese ilya Cipingo ca Kale, Yoshua. Uko, Mose aiminineko amalango, tekuti yapusushe nangu umo; lelo nkumbu kuti shacita, kabili pano *Yoshua* lyaba ishiwi limo line nga Yesu, “Yehoba-kapususha.”

³³ Kabili nombamba lyena, tulesanga ukutula ifwe twalisa ku Bena Efese bambi, ku Bena Efese bambi nombamba. Kwisa, mu filonganino fyesu fya masambililo kabili na fimbipo, kabili ubutantiko bwesu bonse ubwa masambililo na bwisa ku Yordan ya fyena—fyena, lyena tulingile ukukwata a—Abena Efese nakabili. Ifwe tulingile twakwata ukufuma, uku “ukufumamo” kabili ukuya “ukwingilamo,” ku Kusendwa.

³⁴ Nombamba ifwe twalabelenga muno bushiku ukufuma mu cipandwa ca 2 ica Bena Efese. Nacilasosa fye cilya pa kutila imwe mwingesa ku—kucifulo, atemwa ukupilibwila ku cipandwa.

Imwe, kabili imwe amulenga aba mweo, pa kuba abafwa mu mampulu na mu membu:

Umo mwaendele kale umwabelo bwikashi bwa calo cino, umwabela kateka wa bucibinda wa mulwelele, umupashi ulebomba nombamba mu bana ba bucintomfwa:

Muli abo na ifwe bonse twaendawikemo kale mulunkumbwa lwa mibili yesu, abacita amafwayo ya mubili na ya matontonkanyo; kabili twali kucifyalilwa abana bakukalipilwa, ifyo na bantu bambi baba.

Lelo Lesa, pa kuba uwacindama mu luse, pa mulandu wa kutemwa kwakwe ukwingi uko atutemenwe,

Kabili ifwe pa kuba abafwa mu membu, Atulengele aba mweo pamo na Wene, atemwa, atulengele aba mweo pamo na Kristu, (ni kukusenamina mwapusukila;)

³⁵ Ndefwaya ukusenda ukufuma umu mu yanono, atemwa iciputulwa ca vesi, “lelo Lesa,” *Lesa Uyo Wacindama Mu Luse*.

³⁶ Ndefwaya imwe ukumona pano pali kasesema, umutumwa, ntile, Paulo, uyo—uyo, ifyo ena alumbwile pali ci, ifyo, “Imwe Ena amulenga aba mweo, pakuba abafwa. Imwe Amulenga aba mweo, pakuba abafwa, abafwa mu membu na mu ma mpulu; ukwenda umwalola ifintu fya mwi sonde, ifikabila umubili, no kufikilisha ifikabila amatontonkanyo. Nalenga . . .”

³⁷ Nani uwalengele ukukupilibulwa, mulemona? Kabili ni cinshi icalengele cena, “ukufuma inshita imo ukuba uwafwa,” ukulengwa aba mweo? *Ukulengwa aba mweo* cipilibula “ukuletwa ku mweo.” Kwaliko ukupilibulwa, ukufuma ku mfwa kwisa ku Mweo. Takwaba na cimbi, takwaba icintu cimbi ico cinga citika ku muntu onse, icikalamba nganshi, ngo kumupilibula ukufuma ku mfwa ukwisa ku Mweo. Umuntu, nga alefwa, ku mubili, kabili kuti aundapwa ku mubili, cilya kuti caba icintu icikalamba, lelo takuli nangu cimo icikalamba nganshi nga ilyo ena ali uwafwa ku mupashi kabili Lesa amulenga uwa Mweo.

³⁸ “Imwe nshita imo, mu nshita ya kale, abafwa.” Imwe mwali abafwa. Nangula abengi muno muno bushiku, inshita imo, kuti mwalolekesha kunuma no kwishiba ukutila imwe mwali abafwa. Lelo nombamba cinshi ico ta muli abafwa muno bushiku, nge fyo imwe mwali lilya? Imwe mulefwaikwa ukuba ulya musango, pantu mwali ababembu, “lelo Lesa Uyo uwacindama muluse.” Cilya e—cilya e cintu, “Lesa Uyo wali uwacindama.” Fyonse ifi fintu ifyo twali, “lelo Lesa”! Cilya e capele ukupilibulwa palya pene, “Lesa Uyo uwacindama muluse”!

³⁹ Owe, ndi uwansansa nganshi pali cilya, ukutila Ena pa kuba uwacindama muluse. Nga Ena ali fye uwacindama mu ndalama, nga Ena ali fye uwacindama mu fyakubomfya, icili Ena aliba, lelo nombamba icintu icikalamba nganshi caba ukuba uwacindama muluse. Owe, ifyo lyaba ishiwi ilikalamba lilya lili, ifyo kutila ifwe inshita imo twali abafwa.

⁴⁰ Kabili ifwe twalelanda inshita imbi iya bushiku ifyo imbuto ilingile ukufwa. Kabili ifintu fyonse ukushinguluka kalya ka musonga ka bumi tafilingile fye ukufwa, lelo kubola. Nga yena taibolele, yena tekuti ibe no mweo. Kabili *ukubola* kwaba, “umupwilapo ukufumishiwapo; cena nacipwishiwa.” Kabili mpaka twaisa ku cifulo ilyo amano yesu fwebene kabili na matontonkanyo yesu fwebene yafumishiwapo umupwilapo kabili yabola ukufuma kuli ifwe, lyena akamusonga ka bumi kuti katendeka ukuba no mweo.

⁴¹ Nombamba—nombamba ifwe limbi, ine limbi kuti nabikamo fye isambilisho ilinono sana umu, ukutila nshicita . . . Nga imwe

ta mwacetekela lyena, cili fye bwino. Cilya cili fye bwino. Ine nalicetekela cena. Nalicetekela ukutula—ukutula umuntu, ilyo afyalwa muli li sonde, ukutula ilyo muli akanya akanono, mwafyalwa muli ili sonde, imwe tekuti mube pano ukwabula ukwishibila kabela kwa kwa Lesa, pantu Ena alishiba fyonse kabili Ena alishiba ifintu fyonse. Kabili ilyo kalya kanya kafyalwa mwi sonde, mulabako icintu cimo muli kalya kanya. Nga ena akatala ukuba no Mweo, kulabako icintu cimo cinono mulya, muli ulyo mwana lilya, ico esako, lilya atemwa pa ntanshi. Ilye mbuto inono ili muli ena. Nomba nga imwe muli nokusenda... Amalemba palwalala yalalanda cilya.

⁴² Nomba nga imwe namukwata Umweo wa Muyayaya muno bushiku, nga ifwe natukwata Umweo wa Muyayaya, lyena ifwe lyonse efyo twali, pantu kwaba fye umusango umo uwa Mweo wa Muyayaya. Ifwe lyonse efyo twali. Kabili umulandu ifwe twali, pantu ifwe tuli ciputulwa cakwa Lesa. Kabili Lesa e cintu fye ceka ico cili ica Muyayaya.

⁴³ Kabili nge fyo Melkisedeke apokelele icekumi ukufuma kuli Abrahamu, kabili capelwe ku mwishikulu wakwe umukalamba, Lebi, uyo ali acili mu musana wakwa Abrahamu; alipile icekumi, pantu ena ali acili mu musana wakwa Abrahamu ilyo akumenye Melkisedeke. Ndefwaya ukulanda pali cilya pa cifulo cimbi, ulucelo lumo. *Nani Uyu Melkisedeke?* Nomba moneni cilya. Kulya kunuma, Lesa alishibe uyu mulumendo aleisa. Ena alishibe ifintu fyonse.

⁴⁴ Nomba ifwe tuli iciputulwa cakwa Lesa. Imwe lyonse mwali. Imwe tamuleibukisha cena, pantu imwe mwali fye imibele muli Lesa. Imwe mwali fye mu matontonkanyo Yakwe. Ishina lyenu line, nga lyena lyalitalile ukuba pe Buku lya mweo, lyena lyabikilwe palya ilyo mufula wesonde taulalengwa. Ena alishibe ifyo imwe mwali.

⁴⁵ Ndesosa fye ici, te kusankanya isambilisho, lelo ukuyolola, pa kutila ifwe twingatalukako kuli uyu mwenso no kutinya. Imwe tamwaishiba ifyo mwaba. Imwe tamwakabe, lelo nomba imwe muli bana bakwa Lesa. Mwamona, imwe lyonse mwali abana bakwa Lesa. Mwamona?

⁴⁶ Pantu ilyo Lesa akwete imwe mu matontonkanyo Yakwe pa kutendeka, imwe mulingile ukuba, iciputulwa cenu cimo, Ubumi bwenu ubuli muli imwe nomba, bwalingile ukuba kulya na Lesa kabela. Cisuma, ilyo Ena, lintu Ena talati abe icingekatwa pano pe sonde, lintu takulati kube icintu nangu cimo, kano Lesa, imwe mwali umo uwa mibele Yakwe. Ena alishibe ifyo ishina lyenu lyali no kuba. Ena alishibe umusango wa mishishi mukakwata. Ena alishibe fyonse palwa imwe. Icintu fye ceka ica citike ni lilya ilyo imwe, pakuba umubembu... .

47 Mwebengi imwe kuti mwa—kuti mwakwata isenge pamo na ine pali ili tontonkanyo. Ilyo imwe mwali umulumendo umunono, atemwa umukashana umunono, imwe kuti mwaenda enda kabili kulya kuti kwaba ifintu fimo ifyo fingacita fye, uko teti ficushe abana bambi, camoneke kwati kwaliko icintu cimo muli imwe icalebilikisha. Kwaliko Lesa ku cifulo cimo, lelo nomba mwali ababembu. Imwe muleibukisha cilya? [Ulukuta lwatila, “Ameni.”—Ka.] Mucine. Nomba cilya cali ni cinshi? Ulya wali umusango unono uwa Bumi muli imwe lilya.

48 Kabili panuma yakashita, mwalyumfwile Mbila nsuma. Nalimo imwe mwalile ku chalichi, imwe mwabulile *ici* na *cilya*, kabili mwalile ukufuma ku cilonganino ukuya ku cilonganino. Lelo ubushiku bumo, imwe ukuba iciputulwa cakwa Lesa, imwe mwali no kuba iciputulwa ca Cebo. Kabili ilyo mwaumfwile Cebo, mwalishibe uko mwafumine, imwe mwalishibe ico cali Iceine. Imwe eko mwali lyonse, imbuto yali muli imwe lyonse. Icebo camwene Icebo ico cali muli imwe, cilya cali ilyo umufula we sonde taulalengwa, mwali mwene Icebo kabili mwalishile kuli Cena.

49 Nge lyashi lyandi ilinono ilya kwa kapumpe, ifyo kapumpe umunono atotelwe pe samba lya kwa na nkoko. Kabili akantu akanono kaendele pamo no tukoko, kena, na nkonko alepala, kabili kena takailwike ukupala kwaiko. Kabili—kabili utukoko utunono, icakulya ca tuko twalekwata mulubansa lwa butala, kena—kena takailwike cilya, ifyo ukutila twena twacitile cilya. Lelo kwaliko icintu cimo muli kena, icamoneke icapusana ukufuma kufyo ilye nkoko yali, pantu pa kutendeka kena kali ni kakapumpe. Cilya cishinka. Ubushiku bumo nyina aishile mukukafwaya, kabili, ilyo kena kaumfwile kulyo kubilikisha kwa kwa kapumpe, cali icapusana ukufuma kukupala kwa nkoko.

50 Kabili ulya e musango cabelamo na onse uwacetekela uwafyalwa cipya cipya. Kuti mwaumfwa amasambililo yonse aya fya bulesa mulefwaya ukumfwa, kabili bonse bucaibela ubwapangwa no muntu; lelo ilyo cilya cebo cabyashisha palya, lyena kulaba icintu cimo ico cikasha, imwe mulesa kuli Cena. “Imwe mwebali limo abafwa mu membu (bulyo bumi) Ena naleta ku mweo.” Kulingile kwabako Ubumi kulya ku kuleta ku mweo, intanshi. Lesa, ku kwishibila Kwakwe kabela, alishibe ifintu fyonse. Kabili ifwe twalingilwe kabela ukuba abana baume na bana banakashishi bakwa Lesa. “Imwe mwebali limo abafwa mu lubembu na mu mampulu, umo ifwe bonse twali mu nshita iyapita, lelo Ena naleta ku mweo.”

51 Lolekesheni kuli Paulo, ilyo Paulo ali kasambilila wa fya bulesa umukalamba. Lelo ilyo ena akumene icinso ne cinso na cilya Cebo, Yesu, caliletele ku mweo. Ena aishile ku Mweo bwangu bwangu, pantu ena alisontelwe ukuba cilya. I. . . Ena

ali iciputulwa ca Cebo; kabili ilyo Icebo camwene Icebo, cena cali cifyalilwa cakwe. Konse ukupala kwa nkoko, mu ma chalichi ya orthodox, takwakwete amaka nangu yamo pali ena; ena ali mwene Cebo. Cena cali iciputulwa ca wene. Ena ali ni kapumpe. Ena tali ni nkoko; ena ali fye mulubansa lwa butala pamo na shena. Lelo ena ali ni kapumpe, icakwambilapo.

⁵² Nalyumfwile ilyashi ilinono lyapalanako, ndesubila talileumfwika ilya musalula, palwa kabata akanono akafyelwe pe samba lyakwa na nkoko, inshita imo. Kena tekuti keluke. Akantu akanono akalemoneka akakusekesha, akantu akaibela, kabili kena tekuti keluke ulukungu ne fintu fyonse. Twena twaleangala mulubansa lwa butala. Lelo bushiku bumo ilyo na nkoko uwa kale atungulwile akatotelwe akanono akabata kulya kunuma ya butala, kabili kena kalinunshishe amenshi. Cisuma, kena kalibutukile ukulola kuli yalya menshi na maka nganshi nge fyo kengacita. Cinshi? Kena takatalile ukubapo pa cishiba nakalya. Kena takatalile ukubamo mu menshi. Lelo kena kali kabata, icakwambilapo. Icintu fye ceka kena kali no kucita cali ukwiluka akene.

⁵³ Cilya e cintu cimo cine uwacetekela aba. Kwalibako icintu cimo muli wene, ico, ilyo ena akumanya Lesa icinso ne cinso, alesa mukwiluka umwine. Ilye mbuto ili muli wene, kabili ilaletwa ku mweo. Mwe, cilya cishinka, kabili ena alapupuka ukufuma ku fintu fye sonde. Fyena filesa mukufwa kuli wene. Mwe, ndeibukisha, ifwe bonse twalikwete ubumi bwesu, akale, muli filya fintu ifye sonde. Lelo limo ilyo twaikatilile cilya Icintu icituntulu, icintu cimo icatuletele ku mweo, imbuto inono iyo yaishile ku Mweo, lyena fyonse fintu fye sonde fyabolele palya pene. Ifwe tatwakwete ukukabila kwa fyena.

⁵⁴ “Uyo uwafyalwa kuli Lesa, tabembuka. Kapapa ilyo asangululwa limo takwata nakabili kampingu wa lubembu, takuli nakabili ukukabila ukubembuka.” Ilipusho lya lubembu lyapwa. Mulesa mukuba iciputulwa cakwa Lesa, muli Kristu. Kristu afwilile ukulubula imwe.

⁵⁵ Nomba tontonkanyeni fye pali fyonse ifyo ifwe twalingile ukuba nga cena tacali ni Lesa. Lelo Lesa, mu luse Lwakwe ulwa cindama, ifyo Ena atulubula ifwe muno bushiku! Ni kwisa uko ifwe twingaba muno bushiku nga tacali uluse ulwa cindama ulwakwa Lesa pali ifwe?

⁵⁶ Inshita imo isonde lyali ilya lubembu nganshi, icakutila umuntu alengele ububole ukwisa pe sonde mpaka ca kalifye na Lesa ukutila Ena atalile ukulenga umuntu. Umutwe onse wali icilonda icishipola, umubili onse, kabili Lesa aishile umfwa ububi ukutila Ena alilengele umuntu. E ico atile, “Ndi no konaula umuntu uo nalenga.” Ena ali no kubonaula pantu ena tali nangu cimo kano fye bumba lya bubole.

⁵⁷ Kabili umutundu onse uwa bantu nga walifumishiwepo pali ilya nshita, lelo Lesa, uwacindama mu luse, tekuti aleke abakaele ukonaika na ba milandu. Kabili Ena alile no kupanga inshila iyapelwa kuli abo abalefwaya ukwisamo, abo abalefwaya ukucita ico cali icalungama. Ena, apangile inshila ya luse kuli abo abalekabila uluse, kabili Ena apekenye icibwato. Mu mashiwi yambi, Ena abikile amapindo yamo pali bakapumpe Bakwe, icakutila bena kuti bapupukila pa mulu wa bupingushi, kabili no kukana ibila pamo ne nkoko. Lelo Ena—Ena apangile nshila ya kupusukilamo, mu nshiku shakwa Noah. Ici calengele Wene ukucita cilya, ukupela cena, pantu Ena ali uwacindama mu luse.

⁵⁸ Lelo panuma Ena apela nshila ku bantu kabili elyo bena bakana yena, nomba, umulandu bena bakanina yena ni pa mulandu tamwaba nangu cimo mulya ukupokelela yena. Takuli nangu cimo ukupokelela yena. Ba mayo balesosa, “Imwe tekuti mufumye umulopa mu cilimwa pantu tamwaba umulopa mucilimwa.” E ico nga takuli umusango wa Mweo mulya ukupokelela Cena, lyena Cena tekuti cipokelelwe.

⁵⁹ Ulya e mulandu wine aba Fariseo kuti balolekesha fye mu cinso cakwa Yesu, no kwita Wene, “Belesebuli,” pantu tamwali nangu cimo muli bena ukupokelela Wene. “Lelo bonse abo Tata Ampela,” Atile, “bakesa kuli Ine.” Kulya—kulya kuli nshila imo cena cili no kupelelwamo.

⁶⁰ Imwe kuti mwalanda ku bantu inshita imo mu misebo, ukulanda kuli bena palwa kwa Shikulu, bali no kumiseka mu menso yenu. Cisuma, ifwe tulingile ukucicita cena, ifyo fine. Lelo umfweni, “Takuli umuntu uwingesa kuli Ine kano Tata amukula intanshi.” Lesa alingile ukukwata ukukula. Kulingile kwaba Umweo. “Kabili bonse abo Ena Ampela, bakesa kuli Ine.”

⁶¹ Ena apangile nshila kuli abo abalefwaya ukulubulwa. Ena apangile nshila kuli abo abalefwaya ukundapwa. Kabili elyo pantu ukutila Ena acitile ici, cilalenga Wene ukuba uwacindama muluse, nge fyo Ena aba lyonse uwacindama muluse. Cilingile ukuba, nga imwe mwakana Ici, takuli nangu cimo icashalako kano Bupingushi, pantu ulubembu lulingile ukupingulwa.

⁶² Farao, ilyo aile muli be—bemba, nga kapashanya, pa kumona ukutila ena kuti ayamo nge fyo Mose acitile. Mose ne fita fyakwe, kabili Farao ne fita fyakwe, bonse babili nga balyaonaika muli bemba, efyo camoneke. Lelo Lesa, uwacindama muluse, apangile nshila ya kupusukilamo ku bana ba ci Hebere, (cinshi?) pantu bena balekonka mu mushilwa wa mulimo, bena balekonka mu Cebo.

63 Nomba ulya e musango fye weka uwa kupokelelamo uluse, caba ukukonka ifipope ifyo Lesa apela ifwe ukukonkamo. Ulya e musango fye weka Ena engalangishamo uluse, ni lilya ilyo ifwe twakonka ifyo Ena asosele ukuti tucite.

64 Ngo kulanshanya ukunono te kale sana, na kapyunga uyo wasosele ukutila ine nalesambilisha Isambilisho lya butumwa muli buno bushiku. Ndecetekela nalandile ulwa cena inshita ya bushiku imo atemwa shibili ishapitapo, atemwa inshita imo, palwa ifyo asosele, “Iwe uleesha ukubika, muli ino nshita, Isambilisho lya butumwa.” Atile, “Inshita ya butumwa yalipwa, pamo na batumwa.”

Kabili nalimwipwishe, “Cisuma, bushe walicetekela Icebo?”
Atile, “Ee.”

65 Natile, “Ukusokolola 22:18 itila, ukuti, ‘Uyo onse ukafumyako Icebo cimo ukufumyako kuli Ci, atemwa ukulundako icebo cimo kuli Cena,’ te fyebo fye fibili; Icebo cimo, ukufumyako Icebo cimo.”

Atile, “Nalicetekela cilya.”

66 Natile, “Lyena kuti nakweba uko nshita ya batumwa yapelwe, Amapalo yabutumwa yapelwe ku Lukuta; nomba unjebe uko Lesa ayafumishe mu Lukuta, ne Cebo. Iwe tekuti ucicite; cilya tacilimo mulya.” Natile, “Nomba ibukisha, ukutila Petro, pa Bushiku bwa Pentecosti, ena ali u—uwaishibishe inshita ya butumwa. Kabili ena alibebele bonse uku, ‘Lapila, no kubatishiwa mwi Shina lyakwa Yesu Kristu kukulekelelwa kwa membu, kabili mukapokelela ica bupe ca Mupashi wa Mushilo. Pantu icalaiwe cili kuli imwe, kabili na kubana benu, na kuli bonse abakutali, na bo bonse abo Shikulu Lesa wesu aketa.”

67 Nomba nga mulefwaya ukumfwila ukupala kwa nkoko imo iya cilonganino, no kwikala kunuma kulya mu fintu fya mwisonde, lyena cilelangisha ukutila kuli icintu cimo icalubana. Pantu, Cilya e Cebo. “Uyo onse ukacita, kuti aisa.” Kabili nga na mukwata ubufwayo, imwe mulingile ukwisa. Lelo nga tamukwete ubufwayo, lyena imwe muli mu mibebe ya bulanda. Lelo nga na mukwata ukufwaya ukwisa, iseni mukonke ubutantiko bwakwa Lesa!

68 Kabili Ena tatala ukufilwa ukufikilisha ifyo Ena alaile. Ine limo nali umwaice, kabili nomba ninkula, nshatala monapo Wene ukufilwa mu Cebo Cakwe. Pantu, Ena kuti acita icintu icili conse kano kufilwa. Ena tekuti afilwe. Lesa tekuti. Cena tacingacitwa kuli Lesa ukufilwa, no kuba Lesa. Ena alingile ukucita, ukucita cilya.

69 Nomba ifita fyakwa Farao fyalyseshe ukupashanya, pantu fyena tafyaitilwe kabili fyena tafyakwete bulyo Bumi. Muli i...Ubulayo tabwapelwe kuli Farao. Ubulayo tabwapelwe kuli wene ku mpanga ya bulayo.

⁷⁰ Kabili kapashanya, ukwasha ukukonka uwacetekela uwa cine uyo waitwa kuli filya, cipanga fye ukusenteka ukufuma muli cena. Bulya e bwaba ubwafya ne mibombele ya bukapepa bwesu ilelo. Kuliko abantu abengi nganshi abaleesha ukupashanya Mupashi wa Mushilo, abantu abengi nganshi abaleesha ukupashanya ulubatiso, abantu abengi nganshi abaleesha ukupashanya inshita ya batumwa. Cena cakubacetekela, kabili balya beka. Lesa alipanga inshila, uwacindama mu luse, pa kutila abana Bakwe teti bonaike. Ena alibapangile nshila.

⁷¹ Nomba, Farao ukwasha ukubabutukila, ena anwene mu menshi yene ayo ayapuswishe Mose ne bumba lyakwe. Nomba, Mose tanwene, pantu Lesa alicindama mu luse kuli abo abalekonka inshila Yakwe iyapelwa. Ameni.

⁷² Bushe mulemona ifyo ndepilibula? Ukutila, muno bushiku, abantu abo abashacetekela mukundapwa kwa Bulesa, abantu abo abashacetekela mu lubatiso lwa Mupashi wa Mushilo, musango nshi bena bengapokelela icintu icili conse? Lesa alicindama mu luse kuli abo aba mukonka Wene; te kukonka icisumino, lelo ukukonka Lesa.

⁷³ Lesa e Cebo, kabili Cena calengelwe umubili no kwikala pakati kesu, nomba, pa kutila Ena engaleta imibele imbi iyakwa Lesa. Umubili, Yesu, ali umubili wakwa Lesa, imibele. Mose ali mumwene Wene ukupita, iciputulwa ca numa ica Wene; takwaba umuntu nangu umo uwa mona icinso Cakwe. Lelo nomba ifwe tulemumona Wene, ifwe natumumona Wene, ukumona Wene nga i, Ilambo. Nomba, mwamona, ena ali imibele yakwa Lesa, ukulangishiwa, Icebo. Filya efyo Ena ali.

⁷⁴ Kabili ilyo wacetekela uuli onse aisa kuli Lesa, ena esa mukuba imibele yakwa Lesa iya Cebo Cakwe, ena alabomfiwa ukulangisha Icebo ico calaiwa kuli bulya bushiku. Mwamona? Cilya cishinka. Lesa, uwacindama mu luse, tatala ukutusha ifwe ukwabula bukambone. Ena alicindama mu luse.

⁷⁵ Ifwe tulesanga nomba ukutila Lesa ali uwaluse nganshi kuli Mose kulya lubali muli ulya bembu uwa fwa, kulya muli Bemba uwa Kashika kunse kulya, ntile. Lyena ilyo Ena asosele apa, mu Kufuma 19:4, Atile, "Nali musendele pa mapindo yakwa kapumpe, ukumuleta kuli ne Mwine. Nali basendele pa mapindpo yakwa kapumpe, nali muletele kuli ne Mwine!" Kwali abantu bambi mukati ka ulya bembu kulya lubali, nabo, ukwasha ukupashanya. Lelo cinshi? "Ena alibasendele pa mapindo yakwa kapumpe."

⁷⁶ Nomba Lesa lyonse apashanya bakasesema Bakwe kuli ba kapumpe. Kabili cena cali ni cinshi? Mose ali ni nkombe Yakwe. Kabili bena balekonka Mose, kabili yalya yali mapindo yakwa kapumpe ayo bena basendelwepo, pantu ena asendele Imbila yakwa Lesa. Kabili abantu bakonkele cilya. Bena balekonka

Lesu ilyo benu balekonka Mose ne mbila Yakwe iyakupokolola. Kabili Baibele isoso kutila, “Ena, benu tabaonaikwe pamo na benu abo abashacetekela.” Pantu, Lesu ali uwacindama mu luse kuli benu, pantu benu balekonka amafunde Yakwe. Lesu afwaya ifwe ukukonka amafunde Yakwe.

⁷⁷ Ifwe kuti twasosa icintu cimo cine palwa kwa Kora na palwa kwa Datani ne bumba lyabo ilya bantu abashacetekela, ilyo baleesha ukupashanya. Benu balyeshe ukuleta icintu cimo mubutantiko bwakwa Lesu. Benu tabalefwaya ubutantiko bwa muntu umo. Benu tabatemwenwe cilya. Benu balingile ukukwata icintu cimo icakucita. Kora atile, “Cinshi, kuliko abantu abengi aba mushilo ukucila iwe, Mose. Iwe ucita kwati ni we fye weka ululamba pali i . . . atemwa akalibwe fye keka pa lulamba, ntile.” Kabili atile, “Ine—ine . . . iwe taulingile ukucita cilya. Kabili kuliko abaume abengi kuno.”

⁷⁸ Kabili Mose alishibe ukutilla ena ali no kusenda balya bana ukubatwala mu mpanga ya bulayo, pantu bulayo bwapelwe kuli ena. Kabili ena alingile ukubatwala kumpanga ya bulayo.

⁷⁹ Kabili, ilelo, Mupashi wa Mushilo uli pano ukushininkisha Icebo cakwa Lesu, kabili lilya lipindo lyakwa kapumpe ilyo tulingile ukuninapo; te masambililo yafya bulesa ayapangwa no muntu. Lelo tulingile ukwendela pa mapindo yakwa kapumpe, ku Mpanga ya bulayo.

⁸⁰ Kabili pano bali nokusende bumba lya nkoko kunse kulya, Kora atontonkenye, namwishiba, ukwisa, ukupashanya ici, kapumpe. Kabili ilyo bacitile, Lesu atile, “Ipatule we mwine ukufuma kuli benu,” kabili Ena aliswile umushili. Ena nga liminine icintu conse, fyalengwa fyonse, lelo Lesu ali uwacindama mu luse kuli abo abaleesha ukukonka Icebo Cakwe. Lyonse, Lesu alicindama mu luse. Abengi muli benu balishile ku lubali na Mose, kabili Lesu aiswile sonde no kumina ushacetekela. Ena, u—ushatetekela, lyonse akonaika.

⁸¹ Balya bashacetekela, nangula benu baishilefuma no kwenda pa kashita, lelo, benu, Yesu atile, “Benu bali, cila umo, balifwa.” Kabili *ukufwa* caba “ukupwishishisha.” Benu balifwa. Tontonkanyeni fye pali benu. Benu baishilefuma, balimwene ifipeshamano fyakwa Lesu, balimwene ukuboko kwa kwa Lesu ukukalamba, baliipakishe mana; no kuya kunse kulya no kumfwila ku mwaume uwaleitwa Balamu, uyo wapondamike nshila yakwa Lesu, no kusambilisha kwakwe ukupusana ne Cebo, “Ifwe bonse tuli ba munyina, e ico lekeni ifwe bonse tube capamo.”

⁸² Ilya e imbi imibombele yakwa Balamu ileisa, ilelo, “Lekeni ifwe bonse twise capamo.” Cena tekuti cibombe. Lekeni ifwe twende pamo na Kapumpe, Yehoba Kapumpe. Imwe muli tu kapumpe utunono.

⁸³ Kwali fye batatu abapusushiwe ukufuma mwi bumba lyonse; Mose, Kalebu, na Yoshua. Abashala bonse baonaikile mu matololo; Yesu eflyo asosele, muli Yohane Washila icipandwa ca 6. Lesa, mu luse, tekuti aleke bena bonaikile, pantu, pamo na bashala abashatetekela. Bena bonse balifwile mulya mwine fye mu matololo, kabili bena balifwa. Lesa apuswishe Mose na bacetekela bakapumpe, pantu bena balikwete umucinshi ku Cebo Cakwe.

⁸⁴ Kabili ilelo, we munandi, inshila fye imo iyo ifwe twingakwatilamo ububile na Lesa; Lesa alicindama mu luse, ilelo, lelo ifwe tulingile ukupela umucinshi pafyo Ena asosele palwa cena. Imwe tekuti musende fye ifyo muntu umbi asosa. Imwe mulingile ukusenda ifyo Lesa asosa. Atile, “Lekeni icebo ca muntu onse cibe ca bufi, ne Candi ica cine.”

⁸⁵ Ilelo ifwe twalyebwa ukutila, “Fyonse ifyo mulingile ukucita,” mu fifulo ifingi, “caba ukuilunda ku lukuta, ukukwata icisumino, atemwa icintu cimo nga cilya; atemewa ukusose pepo, atemwa bikenishina lyenu pe buku, atemwa ukusanswa atemwa ukubatishiwa mu musango umbi, atemwa icintu cimo nga cilya. Filya fye fyeka eflyo mulingile ukucita.” Lelo cilya cilubo.

⁸⁶ Ukuba kapumpe wakwa Lesa, imwe mulingile ukukonka Icebo, ubushiku no bushiku. Imwe mulingile ukutwalilila, ukulya pa Cebo.

⁸⁷ Nomba tulesanga bena, panuma ya iyi nshita, ukuilishanya nakabili, ukunakuka mucitetekelo, panuma Lesa alangishe uluse kuli bena. Kabili ifwe tulebasanga bena ukuilishanya kuli Lesa, kabili, ilyo bacitile, bena balefwa no kusumwa kwa nsoka. Cisuma, bafwaile cena. Bena mucine balicitile. Uuli onse uyo winga twishika Icebo cakwa Lesa no kucita fyonse ifi fintu ifyo bacitile, bena balefwaikwa ukufwa. Cila umo muli bena akabile, afwaikwe ukufwa mu matololo.

⁸⁸ Lelo ilyo bena balwele nganshi icakutila nangula doctor Mose kabili tapali nangu umo uwa bena uwingacitapo icintu icili conse palwa cena, kabili bena balefwa ku makana; lelo Lesa, uwacindama mu luse, Ena apangile nshile ya kupusukilamo kuli abo abengacetekela muli Wene. Ena apangile icikonsolwelo pali cena, pa kubikapo insoka ya butale. Lesa mukucindama Kwakwe... Lesa apangile nshila iyakupusukilamo pa kutila abana Bakwe abacetekela bengondapwa.

⁸⁹ Lesa alasekela mufintu fyonse ifyo fili ifyalubana, ifintu fyonse ifyo musangwamo. Ukwenda konse ukwa bumi, Lesa alasekela muli imwe. Imwe muli umwana Wakwe, kabili Ena alicindama mu luse. Ena alefwaya ukucitila imwe.

⁹⁰ Abantu balibembwike panuma, pa kusenda ici cintu cimo cine ico Lesa acitile cikonsolwelo kuli bena, ku nsoka ya

butale, iyo yaiminineko ulubembu ulwapingulwa kale, kabili balipangile aka mulungu cilye ca bupe. Kabili cilya bali bembwike nakabili. “Lesa takakane ubukata Bwakwe no muntu nangu umo.” E ico kanshi, ifwe tekuti tukwate ibili, itatu, imilungu ine. Kwaba fye Lesa umo. Ena takakane ubukata Bwakwe ne cintu icili conse icashala. Ena ni Lesa, eka, mwamona; e ico nge fyo abasenshi bakwata imilungu ingi. Ifwe twalikwata Lesa umo, kabili Ena takakane ubukata Bwakwe na umbi, nangula Ena ukuleka icintu icili conse ukuba umulungu ku ntanshi Yakwe. Nangula Ena apangile icikonsolwelo pa bantu, kabili cena cali Cebo cakwa Lesa, cena cali fye bwino; lelo ilyo bena baishile tendeka ukucito mulungu cilya, lyena baishilekwata ubwafya.

⁹¹ Nomba cilya cintu fye cimo cine, ndetontokanya, ico cacitika ku nshita shesu sha nkuta. Lesa atutumine mbila yakwa Martin Luther pamo ne mbila yakwe, John Wesley, imbila ya pentecostal, lelo ni cinshi ico twacitile na yena? Cimo cine cintu ico bena bacitile na ilye nsoka ya butale, ifwe twaishile cicita umulungu, “Naba kuli *ici*, kabili naba kuli *cilya*.” Mulemona, imwe mwaba ku cintu cimo ukwabula ubufumacumi ubo bwasantinkana no kwa cishinka ukupepa kwa bulesa ukwa Cebo.

⁹² Ni cinshi ica citike? Baibele, twalyebwa muli Baibele, ukutula, “Kasesema abulile ulyo mulungu no konaula wene.” Aleluya!

⁹³ Ico tukabila ukumonekela ilelo ni kasesema uyo uli no konaula umulungu wa filonganino, abo abatontokanya bena bali no kuya ku Mulu pa kuba ku cisumino cimo atemwa icilonganino; cifwaikwa ukonaula no kocewa, ukuposwa. Lesa alikwatisha uluse. Ena alicindama muluse. Mu bushiku ubo ilyo ifwe bonse twalingile ukuba muli cilya icimfulunganya ca mfifi kunse kulya, lelo Lesa, uwacindama muluse, natutumina ifwe utuntulu uwacine Mupashi wa Mushilo, no bwilulo Bwakwe Umwine kuli Cena, muno mwine mucikulwa cila nshita ya bushiku. Lesa, uwacindama muluse Lwakwe, ifyo cawama ifwe tulesanga Wene ukuba! Ee, mukwai.

⁹⁴ Nomba fyonse ifyo bena batontokenye bena benga cita cali ukuya fye kuli iyi nsoka, atemwa icintu icinono ico Lesa apangile kunse kulya, alengele Mose ukupanga no kucibika pa cimuti, kabili bena kuti baundapwa ukwabula ubufumacumi ubuli bonse. Bena baiminine fye no kulolekesha pali yena. Kabili bena bacitile yena umulungu, kabili Lesa atumine kasesema no konaula yena.

⁹⁵ Nomba, bonse abakene ukulolekesha pali ilye nsoka mu matololo, balyonaike. Nomba Lesa alapanga inshila, lelo nga imwe mwakana ukulolekesha pali yena, nga muli nokwikala mulya mu musebo, nga imwe muli nokwikatilila ku cisumino

cimo no kukana ukulolekesha ukutonta mu Cebo no kumona nga Cena calilungama atemwa iyo; bonse abo abakene ukulolekesha, balyonaike. Kabili Lesa aba ni Lesa ushiteluka. Kabili bonse abo abakene ukulolekesha, balyonaike. Efyo cili ne lelo, icintu cimo cine.

⁹⁶ Elyo abantu balibembwike panuma, kabili nge fyo bena lyonse bacita, no kucita umulungu ukufuma—ukufuma muli cena, ukupanga cena i—i—i. . . ukweshwa ukukwata ukundapwa ukwabula ubufumacumi, kabili bena “baishileba kucintu cimo,” kabili umusango tucita ilelo. Kabili nomba tulemona lyena, ubupusano bwa cena, cali, ukutila Lesa. . .

⁹⁷ Cena cali icikonsolwelo icisuma kabili icishibilo icisuma kuli ilya nshita. Ilya nshita, cena cali fye bwino. Lelo cena cali no kuba fye kuli ilya nshita, kuli bulya bulendo. Cilya fye ceka eko cena cikabombelako, *bulya* bulendo.

⁹⁸ Kabili mbila iyo Martin Luther aletele, yakulungamikwa, yali fye bwino ku nshita yakwa Luther. Kulya eko yena yafikile.

⁹⁹ Ukusangululwa kwali fye bwino mu nshita yakwa Wesley. Kulya fye eko yena yapelele.

¹⁰⁰ Elyo twaisha mu nshita ya Pentecostal. Kabili ukubwekesha kwa fya bupe cena cintu icisuma nganshi, cali fye bwino mu nshita, lelo ifwe tuleya ukuciluka ilya nomba. Ifwe twalicila ilya, mucine fye nge fyo kwaba isonde. Ifwe tulingile ukwisa ukucila ici cintu, pantu ifwe twalicita icintu cimo cine na cena ico bena bacitile akale, ukucita umulungu ukufuma kuli cena. “Naba kuli *iyi* mitantikile ya cena, naba kuli *ilya* mitantikile ya cena.”

¹⁰¹ Lesa akatuma umuntu umo uyo ukafwanta icintu no kuciputaula mutupimfya, no kushininkisha Icebo Cakwe, Icebo conse. Moneni. Amalumbo kuli Lesa! Nomba tulemona ukutila cilya cishinka. Lesa, uwacindama muluse Lwakwe!

¹⁰² Lyena ilyo kasesema aonawile ci, tabashele ne cishibilo nangu cimo icakundapa, ica cikonsolwelo, pantu umulungu wabo walyonawilwe. Lelo Lesa, uwacindama muluse, alibapangile na kumbi. Kabili cinshi ico Ena acitile, cilya? Ena asunkenye amenshi pa cishiba pe tempile, kabili abengi balishile kabili balyundepwe, pa kutampwila muli aya menshi. Yesu alishile kuli ici cishiba cimo cine, kabili amwene umwaume uyo walele palya pa myaka ingi, ukulolela ukusunkanishiwa kwa menshi. Mwamona Lesa, uwacindama muluse! Nangula bena bacitile umulungu cilya cintu, nangula kasesema aliciputawile, Lesa abapangile nshila imbi bena, pantu Ena alicindama muluse. Ena afwaya bena ukundapwa, kabili Ena abapangile nshila pa kundapwa kwabo.

¹⁰³ Nomba, lyena calitwalilile, isonde lyaishileba mulubembu nganshi kabili mulubembu nganshi; inshita fye yonse. Kabili mukulekelesha isonde lyaishileba ilya lubembu nganshi icakutila Lesa ngalyonawile lyena, atile, muli Malaki 4, “epali naisa uma icalo ku citipu.” Ena nga licitile cena; lipusho fye.

¹⁰⁴ Lelo nomba Lesa, uwacindama muluse, Ena atumine Kapususha, Yesu Kristu. Ena atumine Yesu ukuba fyonse fibili Kapususha kabili kondapa. Pantu Ena atile, “Nge fyo Mose atumpwile insoka ya butale mu matololo, efyo no Mwana wa muntu akatumpulwa,” pe pange limo line. Ena, icikonsolwelo, cilya eco ifwe twakwatilapo icakulomba, nangu cimo kano cikonsolwelo. Ifyo Yesu, ashitile no Mulopa Wakwe, cilya eco ifwe twakwatilapo icakulomba. Kabili Baibele itila, “Alashilwe pafya bupulumushi fyesu, kabili Afwantilwe pa mampulu yesu, ukulumunwa ukwa kutumwenamo ubutuntulu kwaponene pali Wene; na mufipumo Fyakwe e mwaishilo kupola kuli ifwe.” Filya efyo twingalomba, pantu cilya efyo caba icikonsolwelo, ico ifwe twimininapo, icapelwa kuli ifwe. Lesa, uwacindama muluse!

¹⁰⁵ Ici cali no kuba icikonsolwelo ica Muyayaya, pantu Ena alishile Umwine. Lesa alishile Umwine, mu musango wa mubili wa lubembu, ukupanga i-i-i-ica Muyayaya icikonsolwelo kabili aculile mu mubili, no kupanga icikonsolwelo; no kubwekela mu musango wa Mupashi wa Mushilo, ukushininkisha cilya cikonsolwelo. Uko tapali insoka ya butale nangula tapali amenshi ayasunkanishiwa ayengacicita, fyena fyonse fyasontelele kuli cilya Cikonsolwelo icapwililika. Lesa, uwacindama muluse Lwakwe, alicita ici.

¹⁰⁶ Nomba, ilelo, pakuba bwena bushiku ubo tuleikalamo, ifwe twalisa kupita muli ishi nshita sha nkuta no kulondolola ifintu fyonse ukutaluka ukufuma kuli Cilya. Bakasambilila wesu bafya bulesa abelelo balufya ukutali lulyo lubali lwa Cena. Bena balondolola Cena conse ukucitalusha, ku bushiku bumbi, ku nshita imbi, ku cintu cimo cimbi, kulya kunuma, ukufuma akale sana. Kabili ukundapwa kwa Bulesa kwali fye mupepi no kufumishiwapo, teti kube ukusanga umuntu umu uyo wingacetekela kwena. Bena basenteke kwena. Tacaba kucila nalimo imyaka amakumi yabili iyapitapo, bena balesenteka kwena. Ba Pentecostal mubutuntulu balitalwiike kuli kwena. Bena balitendeke mu nshiku shakubalilapo, lelo bena balitalwiike ukufuma kuli kwena.

¹⁰⁷ Lolekesheni ifyo bena bacitile. Nomba bena balikwata ukufulungana kwa cilonganino, ukuya kunse ukubapangila cila umu icisumino, kabili na fimbipo. Kano fye, mucifulo cakusumino Lubuuto, nge fyo Lubuuto lwaishilemo; bena balibungenye no kuipangila abene ifisumino, cila umu ukulaisa, ukuipangila umwine isambilisho no kwikala muli

lilye sambilisho. Elyo kabili bena balisendelwe nganshi mpaka Mupashi wa Mushilo tekuti engile mu lukuta. Bena baishileba umulungu umbi nge nsoka ya butale, yena yaishileba u—umulungu. Umuntu onse atile, “Naba kuli *ici*, kabili na ba kuli *cilya*.” Ena cali mulungu. Ifyo cali icimfulunganya ico twalimo, pa nshita ya mpela.

¹⁰⁸ Lelo Lesa, uwacindama muluse Lwakwe, natuma nakabili Mupashi wa Mushilo pali ifwe, nokushininkisha Icebo Cakwe muno mu bushiku nge fyo Ena alaile Ena akacita. Lesa alilaile Ena akacita ifi fintu. Lolekesheni fye ifyo Ena acitile!

¹⁰⁹ Lolekesheni ifyo Ena acitile, ifyo nomba ifwe kuti twamona ifyo Ena alaile cila nshita icintu cimo ukucitika. Kabili ifwe tulesanga ukutila cena calicitike filya fine fye nga cena, ico Ena asosele ukutila Ena akacita, pantu Ena alicindama muluse Lwakwe, lyonse ukukwata uluse ukufikilisha Icebo conse ico Ena alaya. Ena alingile ukucicita, kabili lyonse, pakutila engaba ni Lesa. Lyonse Ena alacita ici, Icebo Cakwe lyonse cisa mukufikilishiwa mu nshita ya Ciko. Imbutu yakwe iyo Ena abyala mu mushili. Ni cinshi ico Ena acitile? Ena abikile yena muno mu Cebo, kabili ilya ni mbuto. Kabili cila nshita inkulo yaisa fika, ilya imbuto ilapya, kabili elyo ukulungamikwa kulesa. Kabili Ena alilaile cena, kabili cena cilacita filya.

¹¹⁰ Nomba ifwe tatwafwaikwe ifi fintu. Ifwe tatwafwaikwe aya amapalo yakwa Lesa, pantu ifwe twalile ukukonke fintu fya mwi sonde, twaile mukuluba kwa kwa Kaini. Kaini, ukukula icipailo icisuma no lukuta ulusuma, no kubika amaluba pali cena, kabili atontonkenye cilya ni filya fine efyo cena cali, “Cena cali umwina wa miapele atemwa ama pear, atemwa pomegranates, atemwa fyonse ifyo cena cali,” ifyo bawishi na ba nyina balile mwi bala lya Edeni, ico cabatamfische kunse. Kabili e ico apele cilya ukubwekesha kuli Lesa, na Lesa alikene cena.

¹¹¹ “Lelo Abele ku citetekelo apele ilambo ilyawamisha kuli Lesa ukucila ilyakwa Kaini.”

¹¹² Kabili, ilelo, Baibebe itila muli Yuda, ukutila, “Bena bendele mu nshila yakwa Kaini; no kulobela mu fikansa fyakwa Kora.” Mwamona, “bendela mu nshila yakwa Kaini,” ukukula ifipailo, kukula ama chalichi, ifilonganino, ukufilenga ukumoneka bwino, ifikalamba, ama membala abengi ukucila abashala muli bena; ukusende fintu, icintu icili conse co caisamo kabili ico catolweke tolweke, atemwa ukuposhanya mu minwe, atemwa alibatishiwe umusango umo, atemwa ukulandila mu ndimi, atemwa ukubutuka panshi, bena balabika ishina lyabo mwi buku, cilya cishinka. Elyo kabili ukukana Iceine icituntulu ico cingashimikilwa, no kukana Cena. Musango nshi cingaba ifyo? Lolekesheni icimfulunganya ico twabamo! Moneni.

¹¹³ Kabili Baibele itila, “Kabili bena baile mu nshila yakwa Balaamu, no kulobela mu fikansa fyakwa Kora.” Ukulobela mu fikansa! Cali ni cinshi ifikansa fyakwa Kora? “Cinshi, uletontokanya niwe weka umuntu wa mushilo? Cinshi, Lesa ali. . . Ifwe bonse tuli ba mushilo. Ulukuta lonse lwaba filya. Lonse. . . Ifwe bonse twise capamo, filya e fyotulingile ukucita.” Kulya eko baonaikile, muli cilya. Kabili ifwe mucine twalefwaikwa cena. Ifwe tufwaikwa ukuba cilya.

¹¹⁴ Lelo Lesa, uwacindama muluse, natutinta ukutufumya muli cilye cimfulumfulu no kuleka ifwe tumone cena ilyo icintu tacilafika pano. Uwacindama muluse Lwakwe, kabili aishile tutumina nakabili ukupuputulwa kwa kundapwa kwa Bulesa, kabili ukwisa nakabili ukwa Maka yakwa Lesa. Ukulingana ne lyashi lya kale, takwaba ukupuputulwa uko kwatalile ukubapo ukucila imyaka itatu. Uku kupuputulwa kwali twalilila pa myaka ikumi limo na fisano, kwena kwaba imililo ilebilima, ukushinguluka no kushinguluka isonde. Cinshi, pantu ifwe twalefwaikwa kwena? Lesa, uwacindama muluse Lwakwe, te pa mulandu twakabile kwena na pamo pantu ifwe twalefwaikwa kwena, ntile. Tontontonyeni fye ifyo kwena kwacita!

¹¹⁵ Ndetontokanya pali umo uwaba nkashi yenu muno mwine mu Phoenix, uo mwebengi muli imwe mwaishiba, Mrs. Hattie Waldrop, ali ne mpwalonda ya ku mutima. Kabili ena ali mu mulongo wa kupepelwa kuno lubali ilyo Munyina Moore na ine twali kuno inshita ya kubalilapo, nalimo ikumi limo nafisano, imyaka ikumi limo na cinekonse konse iyapitapo. Kabili wene ali mukufwa, ne mpwalonda ya ku mutima, kabili wene nga lifwa akale sana. Lelo Lesa, uwacindama muluse, atumine Amaka Yakwe pali wene. Kabili Ena apuswishe ubumi bwakwe, kabili wene wa mweo ilelo. Lesa uwacindama muluse!

¹¹⁶ Congressman Upshaw, umuntu umukalamba. Ndetontokanya ali ni kateka, atemwa icintu cimo, uwaba—uwa ba Baptist, Southern Baptist Convention, pa nshita imo, atemwa inkonkani yakwa kateka atemwa icintu cimo. Ena alicitile fyonse. Ena ali umuntu umusuma. Ena acitile fyonse ifyo aishibe ifya kucita. Ena alile kuli doctor uli onse. Tapali nangu umo uwinga mucitila nangu cimo ena. Ena ali uwakakwa. Bakapyunga bali mupepelele. Ena akwete galoni wa mafuta ukwitilwa pa mutwe wakwe, ukusubwa, ukwa bakapyunga abapusana pusana ukuli konse.

¹¹⁷ Kabili nshita imo iya bushiku, Los Angeles, California, ukwenda ukuya ku cintamba, ukulolekesha pa mwina waficinga nalimo ibili, imiku itatu, kubekele kulya, monse uku noku umwakupita, kunuma na kuntanshi. Kabili lyena kulya kwaikela kulya lubali ubusanshi no mukashana

umunono umusweshi muli wena, umukashana umunono umu negro, kabili ba—ba nyina baikele na ena. Kabili munyinane alebika bwino umulongo wa kupepelwa.

¹¹⁸ Kabili nalelelekesha, ukwabula ukwishiba ico calecitika. Kabili nali mwene doctor, na magalashi ya cipapa cakwa fulwe, ukutumbula aka mukashana akanono aka mu negro, pa bwafya bwapa mukolomino, kabili ena alino bulebe. Kabili nalolekeshe mumbali, natontonkenye, “Nipesa apo mwana abelele?” Ine tekuti mumone ena.

¹¹⁹ Panuma yakashita, mukati mulya, ukwabula isubilo, umukashana umunono umusuma nalimo cinelubali atemwa imyaka yakufyalwa cinekonse konse, ukuba uwabulebe inshiku shonse isha bumi bwakwe. Kabili kulya kwali ba nyina kulya lubali pa makufi yabo, balepepa. Elyo natile, “Uyu doctor alitumbwile umukashana obe umunono,” no kulondolola cena.

Atile, “Cilya cishinka, mukwai.”

¹²⁰ Elyo ena aeseshe ukuleta umwana ku ntanshi. Bena balimwebele ukukana cita cena. Bena balyeseshe ukumutalalika. Nalimo panshita bamutalalike, natontonkenye, cisuma, “Ifwe twalakwata ishuko lya kumupepelela wena.” Mu ma miniti ayanono... Nalimo abantu muno mwine eko bali kulya ilya nshita ya bushiku.

¹²¹ Kabili nalelelekesha kulya mwi bumba, nalimwene ulya umukashana umunono ukulaenda, camoneke kwati ukupita mu—mukanono akashila ka kafyefye, ne cilubi mu minwe yakwe, ukupampansha cilye cilubi. Te mulandu ifyo doctor asosele ukutila ena ali no kuba uwa bulebe inshiku shakwe isha bumi bwakwe; Lesa, uwacindama muluse, atumine Mupashi wa Mushilo, ku cimonwa, kabili ulyo mukashana umunono aishile ima ukufuma kulya, kabili wene na ba nyina baikele amaboko no kwenda ukupita mulyo mwakupita, ukulumbanya Lesa.

¹²² Kunuma kulya kwaikele umwaume umukote, Congressman Upshaw, mwebengi imwe mwalishiba ubunte bwakwe. Ena ali umuntu umusuma, alyeseshe bonse ubumi bwakwe, imyaka amakumi mutanda na mutanda icilema mu cicinga, ukusunkwa mubusanshi; ifikonto mwisamba lya maboko yakwe, ifyo aleendelako, tali nakabili ukwenda mubutuntulu, kabili ena alikele kulya ukulolekesha pali cilya. Kabili mukupumikisha fye, nalolekeshe kulya ukumona icimonwa. Uyu alishile, ukwenda ukupita muli lilye bumba, na kontamika umutwe wakwe, kuti aenda bwino nganshi ngo uuli onse. Nshaishibe ifyo ulyo mwaume ali.

¹²³ Natile, “Kuliko umwaume umukalamba uwikele kulya. Ena aponene ukufuma mucikocikala ilyo ena ali umulumendo umunono, pa cipe babike fyani ifyauma, no kucena inuma

yakwe. Baimbile filindi mu mushili, ukutalusha ukusunkana, ilyo abantu baendele, ukukana puma inuma yakwe.” Natile, “Ena akesaba umuntu umukalamba, kabili ena atwalilila ukuba uwapulamo. Ena naikala mucishilwa icikalamba ku White House.”

124 Kabili elyo uyu mwaume alishile no kunjeba, atile, “Ulya ni Congressman Upshaw. Bushe mwalitala ukumumfwa?”

Natile, “Nshatala umfwa pali wene.”

125 Kabili e ico ena aishile twala icakulandilapo icinono na cimbi kunuma kulya kabili bena balelanda, uku no ku.

126 Elyo nalitendeke ukulolekesha mu mbali, kabili nalimwene umukote Congressman aleisa, ukwenda ukwisa kuli ine, mucimonwa, uwapwililika fye kabili umutuntulu ngefyo engaba. Lesa, uwacindama muluse, alimufumishe muli cilye cicinga, kabili ena aendele ukwabula ifikonto mpaka ubushiku afwile. Lesa uwacindama muluse! Ilyo ba doctor bafililwe, ilyo science yafililwe, ilyo ifintu fyonse fyafililwe, Lesa ali uwacindama muluse kuli Congressman Upshaw.

127 Ndetontonkanya palwandi. Ngo mulumendo umunono uwakale, ndeibukisha nga. . . Abantu balanjita ilelo, “uupata abanakashi.” Umulandu cena cabelele, ni pamulandu nalimwene ubulalelale ubwingi nganshi mubanakashi ilyo nali umunono. Nalibapatile. Kabili nshicita cilya nomba, pantu nalishiba kwalibako bamo abasuma. Lelo ndeibukisha ifyo cena cali icabipa, aba bulalelale nganshi. Kabili natontonkenye, “Mwe, ine—ine nshakatale ukuba apo abantu bekele. Nshakwata amasambililo, e ico ine nshakakwate ayali yonse.”

128 Kabili umunono umwana wa kale ukwikala kulya, ukwabula nangula ilaya ilyakufwala, ne koti lyandi ilyakakwa nge *fi*, nanapini uwakukakilako, kabili kwena ukwakaba nganshi. Kabili kafundisha atile, “William, bushe tauleumfwa ukukaba nelyo ikoti ufwele?”

129 Natile, “Iyo, mayo, ndeumfwa ukutalala panono.” Kabili wene anengele ine ukuya kulya kucitofu no kubikamo inkuni mucitofu, kabili nalifye mupepi no kupya. Kabili ine—ine nshakwete ilaya conse cilye cipande ca mwaka.

130 Kabili natontonkenye, “Nga nka tala ukukwata indalama, inshita imo iyo ninga kwata inono, ukuishitila imfuti ya makumi yatatu na makumi yatatu,” ine kuti naisa kuno ku Masamba no kwikala kuno lubali no kulunga, inshiku shandi shonse ishabumi, ine nshafwaile nangu cimo icakucitapo na bantu. Ukutalukako fye, pantu bena tabalemfwaya, kabili—kabili ine kuti nataluka fye ukufuma kuli bena.

¹³¹ Kabili elyo cila nshita ine kuti naya mulya mu musumba, ukulanda ku muntu uuli onse, ukumona bamo abantu mu musebo, naishibe. Ine kuti nasosa, “Shani uko, John, Jim! Uli shani?”

“Owe, shani.”

¹³² Mwamona, bena tabalefwaya ukulanda kuli ine, bena tabalefwaya icakucitapo na ine, pa mulandu wa batata na bena abalekumba ubwalwa. Kabili ine—ine nshacitile cilya. Cena tacali cimo ico nacitile. Kabili ine nganali uwa ulya musango.

¹³³ Lelo nomba natile ku mukashi wandi, te kale sana, “Icibumba candi calikobekwako ne mfuti ishawamisha isho shingashitwa.” Owe, kabili ndatontonkanya pali fileye fyakufwala ifya kale ifya fiko. Muno bushiku ninkwata yabili atemwa amasuti yatatu ayasuma. Kabili ukwabula ifibusa? Ine ningile ukufisama mulya mu matololo, ukuitalusha ukufuma ku bantu. Mulandu nshi, bushe ni pa mulandu wa mimonekele yandi, bushe ni pa mulandu wa masambililo yandi? Iyo. Lesa, uwacindama muluse, alimwene ine muli ilye mibele kabili Ena alimpuswishe.

¹³⁴ Ndeibukisha ukutungululwa na maboko, ngo muntu impofu. Ine nshalemona. Ifintu fyonse ku ntanshi yandi fyali ifyafitulukila; ine nali no kuba impofu ubumi bwandi bonse. Lelo Lesa uwacindama muluse, abwekeshe nakabili ukumona kwandi. Ndi ne myaka ya kufyalwa amakumi yasano na fisano, kabili ncili nalikwata ukulolekesha bwino. Lesa, uwacindama muluse, e cintu fye ceka ico ningasosa.

¹³⁵ Inshita imo lukuta talwakwete inshila nangu imo iya kundapwa. Bena balikwete imo, lelo bena baliikene. Lelo Lesa, uwacindama muluse, naba tumina icabupe icakundapwa kwa Bulesa. Ulya Mupashi wa Mushilo pakati kesu, ukushininkisha Icebo ne fishibilo ukukonka. Lesa uwacindama muluse!

¹³⁶ Ninkwata yabili atemwa amabula yatatu pano aya ifi filembelwe, lelo nshabe uwakwasha ukukumya fyena, pantu ndi—ndi uwailuka ukutila yena ili fye mupepi nshita ukutampa ulya mulongo wakupepelwa. Lelo Lesa uwacindama muluse Lwakwe!

¹³⁷ Mwebengi imwe muno muno bushiku, ba doctor naba mufilwa. Kulya kuliko abantu abekele muli fileye ficinga, bena nalimo tabakatale ukufumamo mulya. Bena bali no kwikala mulya. Bamo muli bena, ababulebe mu nshila shapusana pusana, bena (tabakatale) bena tekuti bafume, bena takuli nshila yakufuminamo. Lelo Lesa, uwacindama muluse Lwakwe, napela icikonsolwelo. Mwicikana cena. Pokeleleni cena. Kuliko abantu mukati umu no bwafya bwa mutima,

kuliko abantu ne mpwalonda, abo ba doctor tekuti bacitepo nangu cimo. Imwe tamukwete isubilo, abashikwete amaka, muli ili sonde.

¹³⁸ Lelo Lesa, uwacindama muluse Lwakwe, natuma Mupashi wa Mushilo, kabili muno mwine nomba ukushininkisha Icebo, ukushininkisha ukutila Ena aba cimo cine mailo, ilelo, no muyayaya. Pa mulandu tulefwaikwa cena? Pantu Lesa alicindama muluse Lwakwe! Ameni. Nomba ulya Eo, ulya e Muntu, Cena ni ulya Shikulu Yesu. Ena tafwa, lelo Ena alibuka ukufuma ku bafwa, kabili Ena acili no mweo umuyayaya.

¹³⁹ Ena aba cimo cine mailo, ilelo, no muyayaya, acili fye uwacindama muluse Lwakwe nge fyo Ena ali ku mwanakashi uyo wakwete ukusuma umulopa. Kabili ena atendeke ukupita mwi bumba. Takwali isubilo nangu limo, ba doctor balicitile fyonse ifyo bengacita. Ena ali kwete ukusuma umulopa. Ena alefwa. Kabili ena akumishe kwilaya lyakwa Shikulu. Lesa, uwacindama muluse, alipilibwike no kumweba imibele yakwe. Kabili wene alyundepwe kuli uku kusuma umulopa.

¹⁴⁰ Umunono, cilende uwakowela aile kulya kucishima ubushiku bumo, ukuya tapa amenshi. Takwali subilo. Wene alitamfishiwe ukufuma kuli bana cisungu, ukufuma pakati ka bantu, ubumi bwakwe tabwali ubusuma. Kabili wene atontonkenye, “Mulandu nshi ukweshwa? Ine balinkana, takwaba nangu cimo icashalako kuli ine.” Lelo wene alilolekeshe, ukwiminina kulya kumbali, atemwa ukwikala ku mbali ya cishima, kabili kulya kwali Umwaume uwaikela kulya Uyo wamwebele ifintu fyonse ifyo ena atala ukucita, Lesa uwacindama muluse Lwakwe.

¹⁴¹ Ulya Lesa umo wine, muno bushiku, ali fye uwacindama muluse Lwakwe, kabili ali fye cimo cine nge fyo Ena ali muli shilye nshiku. Lesa uwacindama. [Tapali kantu pali tepu-Ka.]

¹⁴² Ndetontonkanya natukwata amakadi yakupepelwapo imyanda ibili kuno lubali, atemwa ayo twitile mu myanda ibili. Ifwe twalaita bena no kuleka abantu batantame. Ifwe twalabapepelako bena.

¹⁴³ Lelo ilyo tatulacicita, ukutila kuliko bamo abeni muno, batalukeko ku fya malele fyonse. Aya te malele. Cena kulangishiwa kwa bulayo bwakwa Lesa. Caba paco imwe mulelolekeshapo. Tamuli ubulumba mu muntu nangu umo. Tamuli amaka mu muntu nangu umo. Lelo ifwe ngaba cetekela twalikhwata insambu; te maka, lelo insambu.

¹⁴⁴ Umo muntu alinjipwishe, te kale sana, atile, “Munyina Branham, bushe ulecekela walikhwata amaka ukucita ici?”

¹⁴⁵ Natile, “Nshakwata amaka, nakalya, lelo nalikhwata insambu.” Uwa cetekela uuli onse alikhwata shena. Nga imwe

mwakana shena, imwe muli nokwikala apo mubebele. Lelo nga mwasumina shena, cili no kucita ifya pulamo ifingi, pantu Lesa alicindama muluse Lwakwe.

¹⁴⁶ Sendeni kapokola umunono ukwiminina kuno lubali pa musebo, ifya kufwala fyakwe ukulebela hafu pali wene, ena ali uwaonda nganshi. Icisote nacifimba amatwi yakwe. Kabili ena kuti aenda kunse kulya uko ba motoka baleisa mulya mu musebo, pali ba mailoshi amakumi yasano muli ora, imyanda itatu amaka yaba kabalwe ukushinguluka muli yena. Ena takwata amaka ukwiminika incinga. Cilya cishinka. Lelo lekeni fye wene alishe ilya pinto nokwimya kulyo kuboko, kabili lolekesheni ama buleki ukulila. Ena takwete amaka, lelo ene nakwata insambu. Umusumba onse uli kunuma yakwe.

¹⁴⁷ Kabili ilyo umwaume atemwa umwanakashi, nshilesakamana imisango ya mibele mubelelemo, imwe mwalikwata insambu shakwa Lesa, kubulayo, pantu ena alicindama kabili alilaya ukucita ifingi fyapulishamo. “Nga imwe mwasosa kuli ulu lupili, ‘sela,’ kabili tamutungenye mu mutima wenu, lelo mwacetekela ukutila ifyo mwasosa fikesafikilishiwa, imwe kuti mwakwata ifyo mwasosa.” Imwe tamukwete amaka, lelo na mukwata insambu.

¹⁴⁸ Ibukisheni ilyo Ena anjebele kunuma kulya, atile, “Iwe ukalasokolola inkama sha mu mutima.” Pantu Ena. . . Imwe muleibukisha cilya, mwebengi imwe abantu baku Phoenix? Ena alilaya cena. Ifyo Ena alaya, Ena alacita.

¹⁴⁹ Nomba kuliko bamo imwe muno abo abashikwete amakadi ya kupepelwapo, kabili ukwabula ukutwishika. Nibanga abalwele kabili tamukwete amakadi yakupepelwapo, imyeni amaboko yenu? Mucine. Cisuma. Nga mulefwaya ukwishiba, te nsambu. . . te maka, lelo insambu sha Cebo, “Ifintu ifyo ncita, na imwe mukacita.”

¹⁵⁰ Yesu alilaile, muli Luka 17:30, ukutila ilyo Kwisa Kwakwe takulabako, ukutila kukaba nge nshita yakwa Mose. . . atemwa Noah, “Ilyo bena balelya no kunwa, no kupana; kabili tabacishibe mpaka ubushiku ubo Noah aingile mucibwato.” Atile kukaba ilya nshita. Elyo Ena alisosele nacimbi, “Ngefyo cali munshiku shakwa Loti,” kabili atile, “ici cikacitika muli bulya bushiku ilyo Mwana wa muntu akasokololwa, ilyo Mwana wa muntu akasokololwa mu nshiku sha kulekelesha.”

¹⁵¹ Nomba lolekesheni fye ifyo Ena, ifyo Mwana wa muntu aisokolwele Umwine mu muntu wa uyu Malaika, ico cali Umwana wa muntu. Mucine. Abrahamu aitile Wene, “Elohim.” Ena ali Umwana wa muntu, aisokolwele Umwine lintu fye icalo ca Benafyalo caocelwe. Musango nshi Ena acicitilemo? Ku wacetekela. Kuwaitunga ukucetekela, Ena

atumine bakashimikila babili kulya ukushimikila kuli bena. Lelo kuwacetekela uwa cine, Ena aiminine ne numa Yakwe ukufutatukila kwi hema, kabili Atile, “Abrahamu.” Ena ali Abramamu ubushiku. . . inshiku ishinono kunuma, cilya. Lelo nombamba ena ni Abrahamu. “Ali kwi umukashi obe Sarah?”

152 Atile, “Ali mwi hema, kunuma Yenu.”

153 Atile, “Ndi no kusunga ubulayo Bwandi kuli iwe. Nkesa kutandalila iwe.”

154 Owe, Abrahamu ali ne myaka yakufyalwa umwanda umo, kabili Sarah ali na makumi pabula; lelo Lesa, uwacindama muluse, asungile ubulayo Bwakwe. Bwena bwaletetele akanya, pantu Lesa waluse, kabili Ena alikwatisha uluse. Ena alicindama muluse. Ena alasunga ubulayo Bwakwe.

155 Moneni, ne numa Yakwe iyafutatwila kwi hema, Sarah alisekele kabili atile, “Musango nshi ifi fintu fingaba? Ndi mukote. Musango nshi ningakwata icimwemwe no mulume wandi, ngo mwanakashi uwacaice uwaupwa? Cinshi, ena ali nemyaka yakufyalwa umwanda umo. Isenge lyesu ilya lupwa lyalipwa, ingi, imyaka ingi iyapitapo. Musango nshi ici cingaba?” Kabili wene alisekele palwa cena.

156 Kabili malaika na. . . Umwana wa muntu ne numa Yakwe iyafutatwila kwi—kwi hema, atile, “Cinshi ico Sarah asekele, ukusosa, ‘Musango nshi ifi fintu fingaba?’”

157 Cali ni cinshi cena? Yesu atile, muli Luka Washila 17:30, ukutila, “Mu nshiku nge fyo cali mu nshiku shakwa Loti,” imisango imo ine, lintu icalo ca Benafyalo tacilaocewa, Atile, “Umwana wa muntu akaisokolola Umwine muli bulya bushiku.” Ena apele ubulayo, ukutila Malaki 4 yalailwe ifwe ukuti ikasosa. Imbila ikesa isa iyo ikabwesasha abantu ukubwekela ku ya ntendekelo Imbila ya pentecostal, kabili na mapalo yamo yene ayo bakwete pa bushiku bwa. . . Cena ni cinshi? Cena ni kapumpe wa mapindo yabili, fyonse fibili Icipya ne Cipingo ca Kale, ukupupa amabulayo yaiko capamo, ayakwa Lesa, ukufikilisha ifyo amabulayo ya Baibele yasosa cena cikacita. Amen.

158 Lesa, uwacindama muluse, tekuti aleke abantu Bakwe ukuya kunse muli ici cilonganino, “icanonka mufipe ne fintu fye sonde,” Inshita ya Lukuta lwa Laodikea, lelo Ena akapanga inshila ya kubutukilamo. Cetekeleni cena, mwe bantu. Lesa amupale. Amen. Lesa uwacindama muluse! Uluse lwakwa Lesa, cilya fye ceka eco ndekabila. Te bulungami Bwakwe, te funde Lyakwe; lelo luse Lwakwe elo ndelomba. Lesa beni no luse pali ine. Ifwe bonse tulakwata ilye yumfwile.

159 Nacilalolekesha. Kuliko umwanakashi umunono uwikele kunse kuno pa mpela ya cipuna. Bushe naukwata ikadi lya

kupepelwapo kunse uko, na mayo? Iwe taukwete. Leka nkulangishe iwe Lesa alicindama muluse. Iwe wali no mwenso nganshi kuno ili line, bushe tawali? Ububi nganshi, kabili amenso yobe nayabipilako nganshi. Bushe cilya te cishinka? Cilya cishinka. Nomba yena yali no kupilibuka. Lesa, uwacindama muluse Lwakwe, pa kwipusha iwe nga kuti wacetekela ici. Nomba iwe taukwete ikadi lya kupepelwapo, iwe taukwete nangu cimo; lelo iwe taulekabila yena. Mwamona, cena ni nkumbu isho shapelwa kuli iwe.

¹⁶⁰ Palya napekala munono uwacesha umuntu naikala palya pene kuntanshi, ne fyapala nga i. . . naikala kuno kwine lubali. Ena alecula na cimumena pa mubili wakwe. Cena caishile fye ililine palya, ililine. Bushe cilya te cishinka, mukwai? Cilya cishinka. Iwe tawishibe ifyo cena cili. Iwe cilekoca cena. Cilya cishinka. Cena calengelwe ku cakukwebulula, bushe tefyo cali? Bushe naukwata ikadi lyakupepelwapo? Iwe taukwete ikadi lyakupepelwapo. Iwe taulefwaikwa limo. Lesa uwacindama muluse Lwakwe!

¹⁶¹ Owe, munyina, nkashi, cetekela Lesa! Wimutwishika Wene. Cetekela Wene! Cilya cishinka.

¹⁶² Pano napekala umwaume, suti iya butulikila, nafwala amagalashi. Lolekesha kuno, mukwai. Bushe ulecetekela? Lesa aliba uwacindama muluse Lwakwe. Iwe nawikala apo na hernia. Bushe ulecetekela ukutula Lesa kuti aundapa iyo hernia no kukulenga ukuba umutuntulu? Ukwikala apa pene pa mpela ya cipuna, ukulolekesha kuli ine. Nga ulecetekela ukutula Lesa kuti aundapa iyo henia, Lesa ali no kucita cilya kuli iwe nga iwe uli no kusumina cena. Bushe ulecetekela cena? Bushe walasumina cena? Cisuma. Iwe kuti wakwata cena nga iwe uli no kucetekela fye cena, kwateni uluse. Ee, mukwai.

¹⁶³ Uyu apa na mayo uwikele uku lubali, ena alecula ne myendele ya mulopa iyalubana mu mubili wakwe. Lelo nga ena ali no kucetekela, Lesa ali no ku mundapa, nga ena acetekela cena. Ndecetekela ali no kulufya cena, uwashininkisha fye nge cintu icili conse. Kwateni uluse, epepo lyandi. Ine kuti namona umwanakashi panono. . . Mrs. Riley, bushe ulecetekela ukutula Lesa kuti aundapa ilye myendele ya mulopa iyalubana? Nga uli no kucita, pokelela cena! Ameni. Cetekela fye. Lesa musuma, bushe Ena taba, Stella? Ee. Cilya cishinka. Nshatalamonapo umwanakashi mu bumi bwandi. Lelo, Lesa, muluse Lwakwe!

¹⁶⁴ Apa napekala umwanakashi umbi, naikala kulya kwine fye kunuma kulya, kulya kwine kunuma, alelolekesha fye pali ine. Wene, nao, nakwata imyendele ya mulopa iyabipa, nao. Wene acilatontonkanya palwa cena ili line fye.

Nshatalamonapo umwanakashi mu bumi bwandi. Pakuba kutila uyu mwanakashi umbi alikwete icintu cimo cine, lolekesha kuli ine. Bushe ulencetekela ine ukuba kasesema wakwa Lesa, atemwa umubomfi Wakwe? Naiwe wine naukwata ubwafya bwa mutima. Nga cilya cishinka, imya ukuboko kobe. Iwe taukwete bwena nomba. Lesa, uwacindama muluse Lwakwe, alelangisha ukutula Ena ali no mweo muno mucikulwa muno bushiku. Lesa uwacindama muluse Lwakwe! Ameni.

¹⁶⁵ Bushe kuti kwabako, ni banga ababembu na babwelelenuma abengeminina pa nkasa shenu, no kusosa, “Lesa, uwacindama muluse Lwakwe, mbeleleni uluse ine”? Iminineni pa nkasa shenu. Nalamupepelako imwe, nga imwe mwacetekela ukutula Ena alefwaya . . . imwe mulefwaya uluse nomba. Lesa amupale imwe. Lesa amupale imwe. Lesa amupale imwe na imwe. Uwabwelelenuma, iminina pa nkasa shobe. Lesa uwacindama muluse Lwakwe! Bushe iwe—iwe . . .

¹⁶⁶ Mucine imwe tamuli abanakuka nganshi, muli iyi mibele, icakutula tekuti mumone icakutula bulya e bulayo bwine bwa ora. Mucine imwe tamuli abapombwa nganshi ne cilonganino, kabili ne fintu fimbi, ifyo imwe tekuti mumone ukutula ubu e bulayo bwa ora, Lesa uwacindama muluse.

¹⁶⁷ Fyonse fintu muli, mwe baciminina, nalapepa muli miniti fye. Ndefwaya imwe ukuya kuli lumo ulusuma ku lukuta lwa Mbila nsuma yonse no—no kuba—no kubatishiwa mulubatisho lwa Bwinakristu, Lesa amupele Mupashi wa Mushilo.

¹⁶⁸ Bushe kuliko nabambi abali no kwiminina pa nkasa shenu, no kusosa, “Ine, ndefwaya ukwibukishiwa. Lesa, muluse Lwenu, njibukisheni. Nshaikala nge fyo ningaba. Nalimo . . .”? Lesa akupale, na mayo. Kabili Lesa akupale iwe. Lesa akupale iwe. Lesa akupale iwe. Lesa akupale iwe. Cilya cishinka. “Lesa, uwacindama muluse Lwakwe, beni no luse pali ine.” Lesa akupale iwe, nkashi. Bushe kuliko . . .

¹⁶⁹ Ni banga na bambi abali muno, abalasosa, “Nalaiminina. Ndefwaya Lesa ukwishiba ukutula ndefwaya uluse. Nshaikala uwalungama. Nalikala *uyu* musango kabili *ulya* musango. Naba uwakuya pantanshi no kubwelela kunuma, lelo ndefwaya uluse Lwakwe.” Lesa akupale, munyina. Umo muntu naumbi, ukusosa, “Lesa uwacindama muluse Lwakwe!” Lesa akupale, nkashi. Lesa akupale, nkashi. Cilya cishinka. Lesa uwacindama muluse Lwakwe! Lesa akupale na iwe. Lesa akupale kunuma uko. Lesa alekumona iwe. Iminina fye pa nkasa shobe.

¹⁷⁰ Mwatila, “Bushe cilacita ubusuma ubuli bonse, Munyina Branham?” Mucine. Iminineni no kumona ubupusano ubwabapo.

171 Nga imwe muli ababufumacumi nganshi mu mutima wenu, Lesa aba uwacindama muluse. “Ena tafwaya kutila uuli onse engonaika, lelo ukutula bonse bengesa mukulapila.” Lesa uwacindama muluse Lwakwe! Mwe Lesa, kwateni uluse pali ifwe.

172 Nomba ni banga abali muno nomba, abo abekatilile yalya makadi ya kupepelwapo? Yena yaciba ni cinshi? A’s ba B’s, bushe tayaciba? A’s na B’s. Bonse abantu abo bakwete ikadi lyakupepelwapo A’s, iminineni kuli *ulu* lubali, ne kadi lyakupepelwapo B bali no kwiminina kunuma yabo.

173 Ndesunguka nga kuliko bamo bakapyunga muno abo abenga temwa ukufwaya ukungafwilisha. Ngemo bali, abalefwaya ukwisa kuno, ine kuti naba uwansansa ukukwata ubwenu—ubwafwilisho bwenu kuno, pantu ifwe twalaba abansansa ukupepa, kabili ukupepa—ukupepa na imwe.

174 Iyi, Baibele itila, “Ifi fishibilo fikakonka abo abacetekela.” Ee, mukwai. “Mwi Shina Lyandi bakatamfishamo ifiwa, bakalandila mundimi.” Bushe natucita cena? Ku nkumbu shakwa Lesa; te ifwe, lelo Lesa uwacindama muluse ukusunga Icebo Cakwe. Lesa!

175 Nomba, abaficinga, nga mulefwaya ukubabika kuno kwine ku ntanshi; ifwe twalabapepela bena kuno kwine fye, tatwabasunkile bena ukupita mulya, umwakupita monse mulya. Leken, cili fye bwino, lekeni bena bese kuno kwine fye. Ifwe mucine twalapepa pali cena, cila umo uwa bena. Lesa uwacindama muluse Lwakwe!

176 Bushe kuti mwaiminina kulubali lwa ku kulyo nomba, pa ma miniti ayanono? Bushe Munyina Brown acisa na iwe? [Munyina atila, “Akesa mailo.”—Ka] Akesa mailo. Ine—ine—ine nacilasubila ena kuti aba muno. Kwisa, ni kwisa ali Munyina Outlaw, alikwisa Munyina Fuller? Bamo muli bena abantu abali kuno pamo na ine ilyo ine naishile ntanshi, lekeni tubwele. Imwe muleibukisha iyi milongo yakupepelwa ya nshita sha kale, ilyo twaleiminina kulya mpaka imwe kuti mwanjikatilila kulubali lumo, kabili umuntu umo kulubali lumbi, ine kuti nanakuka nganshi?

177 Nibanga abo abasangilwemo muli kulyo kulongana kulya kunuma mukutendeka? Lolekesheni kuno. Muleibukisha kunuma kulya, nalimwebele ukutula Shikulu Yesu alinjebela ukutula, nga nkaba uwabufumacumi, ukutula ifi fintu fikacitika. Bushe cilya cishinka? Ifwe tatwatalile ukukwata icintu nga cilya muli bulya bushiku. Lelo cena calicitike, pantu Lesa aliba uwacindama muluse Lwakwe, kabili uwa cishinka ku bulayo Bwakwe. Amen! ukweshu ukuleka,

kabili ndefilwa. Ameni! Lesa alumbanishiwe! Aleluya!
 “Owe, ndi uwansansa nganshi ndi umo uwa bena!” Ameni.
 Owe, mwe!

Kuli abantu ukuli konse,
 Abo imitima yabo ilebilima
 No Mulilo uwaishile pa Pentecosti,
 Uwasangulwile no kubasunga ubusaka;
 Owe, ulebilima nomba mu mutima wandi,
 Owe, ubukata kwi Shina Lyakwe!
 Ndi uwansansa kuti nasosa ndi umo wa bena.

¹⁷⁸ Owe, ine, uwa nkumbabulili, umulanda, umubusu
 uwapofula uwankumbabulili, nge fyo nali; kabili nomba
 kuluse Lwakwe, uluse Lwakwe ulwacindama, ine kuti
 namona Ubufumu bwakwa Lesa bulemoneka. Ameni. Ifyo
 yawama Amafunde Yakwe!

¹⁷⁹ Iminina fye, munyinane, pa nkonto shobe. Nga iwe tekuti
 wiminine, cili fye bwino, iminina apo pene, ifwe twalaisa fye
 apo no kukupepelela.

¹⁸⁰ Kabili nomba lekeni ba A's na ba B's, iya makadi
 yakupepelwa, mutantame kulya kulubali lumbi kulya, kabili
 ifwe twalabapepelela bena.

¹⁸¹ Ba munyina bakapyunga, imwe muli mucine, nga imwe
 mulecetekela ukubike ndupi pa balwele, imwe mwise fye kuno
 kwine no kwiminina pamo na ine kuno ku ntanshi. Ifwe
 twalapepela abalwele.

¹⁸² Nomba kuli imwe mwe bantu abeminine muli ulyo
 mulongo, nga imwe kuti mwacetekela Umulola wakwa Lesa
 uli pano, ukutila Mupashi wa Mushilo uli pakati kesu nomba,
 ukucita fye filya fine fye ifyo Asosele Ena akacita.
 Nganalikwete amaka yakundapa imwe, ine mucine kuti
 nacicita cena. Nganalikwete inshila ili yonse iya kundapilamo
 imwe, ine mucine kuti nacicita cena. Ine nshakukwata kwena.
 Ine . . . Lesa alipela icabupe icinono.

¹⁸³ Nshaba sana kashimikila. Nshasambilila sana ukuba
 kashimikila uwalinga, ico citwa kashimikila muli ishi nshiku,
 ilyo i—ilyo ukwishiba kulingile kwaba ukwishiba kwa fya
 bulesa, kabili kwena kulingile kwaba ukukwata degree umo
 uwa bu doctor, kabili na fimbipo. Ine tekuti ninge kuli cilya.
 Lelo Lesa, ukumona umutima wandi, kabili ukwishiba ukutila
 ndefwaya ukumucitila icintu cimo Wene, ndefwaya ukutasha
 cena.

¹⁸⁴ Umuntu atile kuli ine ubushiku bumbi, atile,
 “Ndetontokanya iwe uli fye muntu musuma, Mr. Branham,
 lelo ndecetekela iwe uli uwabufumacumi mucilubo. Iwe muli
 fyonse uli kunse ka bufwayo. Bushe walishiba iwe, ukebaulwa
 pa mpela?”

¹⁸⁵ Kabili natile, lolekesha ndefwaya ukukweba icintu cimo. Ndefwaya ukusosa ukutila iwe—ukutila iwe kuti waba uwalungama, ukusosa fye pa mulandu wakutalikishanya. Nga ndi mucilubo, ico ine—ine nshacetekela naliba; lelo nga nali mucilubo, kabili nalishibe ukutila nali no kuba no mweo ukuba ne myaka ya kufyalwa no mwanda umo, kabili Ena ali no kunjebaula pa mpela ya musebo, no kunjeba, 'Iwe taulefwaikwa ukwisa mu Mulu Wandu, William Branham. Kabiye mulya mu mfifi.' Namwishiba cinshi? Ine nga nali mubombele Wene cila bushiku wa bumi bwandi mpaka nalile, ifyo fine. Pantu ine nalipokelela ayengi nganshi aya mapalo Yakwe aya bupe fye, ukutila Ena aba ukucila umweo kuli ine. Ena aba ifintu fyonse ifyo ine. . . ."

¹⁸⁶ Fyonse ifyo naba, fyonse ifyo ningatala ukuba, nalipokelela ukufuma ku nkumbu Shakwe no luse. Nali uwa nkumbabulili, umulanda, umubusu, impofu; lelo ku nkumbu Ena namposha ine, kabili ndi uwa maka no butuntulu, ku nkumbu shakwa Lesa. Nalikwata ukulolekesha kusuma. Ndalya, ukunwa, nalikwata fyonse ifyo nkabilapo. Ena talalile ukulaya ukupela ifyo mfwaya; ifyakukabila fyandi.

¹⁸⁷ Kabili nga nkatamfiwa pali bulya bushiku, kabili nalishibe. . . Ine tekuti mone uko ningaba. Lelo nganalishibe ukutila nali mucilubo, kabili Lesa ali nsala ukuba mucilubo, ine kuti nafwaya ukuba mucilubo, kabili pantu ukutila ndefwaya ukucita ubufwayo Bwakwe. Cena cili, nali Mutemwa Wene mpaka ndefwaya ubufwayo Bwakwe ukucitwa. Nomba, kulya kusosa ukukalamba, lelo ndesubila muleumfwa kwena mu musango, mu mupashi nsoselemo cena. Mwamona, ndefwaya ukucita ubufwayo Bwakwe. Nalomba Wene icintu cimo inshita imo, Ena asunkanya umutwe Wakwe "iyo," ine nsansamuka nganshi palwa cilya nge fyo ninga cita nga ena alisosele Ena "ee." Pantu, ifwe lyonse tulingile ukulomba, "Ubufwayo Bwenu bucitwe." Abakwe ba iyo bali fye nga. . . nga bulya bufwayo Bwakwe, cilya cili fye. . . Cena cili fye bwino nganshi ukucila ba eee Bakwe, nga cena bufwayo Bwakwe ukucita cena. Lilya elyo imwe mucine mu mutemwa Wene. Ameni.

¹⁸⁸ Ilyo natendeka ukulanda palwa Wene, ine tekuti ndeke fye. Owe, Ena aba umutuntulu nganshi, umutuntulu nganshi kuli ine! Mwe banandi, Ena ali—Ena ali fyonse ifyo naba, fyonse ifyo ine nkatala ukuba, fyonse ifyo ine nkatala ukusubila ukuba, fyalimbwa muli Kristu Yesu, Icebo Cakwe.

¹⁸⁹ Ndetotela muno bushiku pali bukambone bwa Mupashi wa Mushilo, pa Mbila. Nalishiba yena kuti yaba, bamo teti basuminishanye na Cena, lelo ngefyo namweba, naliba no mulimo ku Mbila. Icishibilo ico caile, kabili Lesa tatuma fye icishibilo ukulangisha ukutila Ena ni Lesa. Imbila, Ishiwi lyonse likonka icishibilo. Uuli onse alishiba cilya.

¹⁹⁰ Yesu aishile ne fishibilo ne fipapwa. Ena ali Muntu umukalamba ilyo Ena alecita ifishibilo ne fipapwa, lelo ilyo Ena atendeke ukwikala panshi no kutendeka ukuleta Imbila, “Ine na Tata twaba Umo,” owe, mwe, cilya cali cilubo kuli bena. Mwamona? Lelo Ishiwi lyalikonkele cishibilo.

¹⁹¹ Mose apelwe fishibilo fibili, kabili cila cishibilo calikwete ishiwi. Cilya cishinka. Nashimikile pali cena kuno akale, ku cifulo cimo, pali, *Ishiwi Lya Cishibilo*. Cena cilingile ukukwata i—Ishiwi lya cishibilo. Cena cilepilibuka. Lyonse caba ulya musango. Nga tacili fyo, lyena tacafuma kuli Lesa.

¹⁹² Ngo muntu aisa na bukapyunga ubwaibela ubwapusana, ico cisangwa muli Baibele ukuba Icine, kabili ulyo muntu ekala fye muli lilya line ilya kale isambilisho lya cilonganino, labeniko cena. Takuli nangu cimo kuli cena! Lesa tacita icintu nga cilya. Cilya cintu, ulya ni mana uwabola uyo wakwata ububenshi muli wena, atemwa imititi, atemwa conse ico mulefwa ukwita cena, ukufuma ku makumi yane, imyaka amakumi yasano ayapitapo, nalyo line ukweshwa ukulya ulya mana uwakale uwaponene kulya kunuma imyaka yapitapo. Kabili abana pa Israele, pa bulendo bwabo, mana ipya yalepona cila nshita ya bushiku. Cilya cishinka, imwe tekuti muisunge ukutwalilila.

¹⁹³ Ifwe tatwikala mulya mu nshita imbi iyapitapo. Ifwe tulelya Mana ipya, Mana ipya ukufuma ku Mulu, mubulendo bwesu ilyo tuleya pantanshi.

Natukontamike imitwe yesu nomba.

¹⁹⁴ Shikulu Lesa, Imwe muli abatuntulu nganshi, Umulola Wenu. Ndetontonkanya pa nkumbu, Shikulu. ifwe—ifwe twalimumona fye Imwe kucite fintu ifingi nganshi! Ifwe twalyumfwa Imwe ukulandila mu ndimi, twalimona Imwe ukwilula shena, ukupita mu bantu benu. Mwe Lesa, ukumona Imwe ukundapa abalwele, ukwisula amenso ya mpofu, ukulenga abalemana ukwenda, bankomamatwi ukumfwa, bacibulu ukulanda, ifyo Imwe mwaba abakalamba kabili Lesa uwapulamo!

¹⁹⁵ Kabili elyo kumona ukutila Imwe mwalilaile ici mu nshiku sha kulekelesha. Nangula twalikwata ukwingi ukupashanya kwa buntuse, lelo nomba cena cilangisha fye ukutila kwaliba Lesa uwacine, kucifulo cimo, cilya mucine cishinka. Kabili ndepepa, Shifwe uwa mu Mulu, muno bushiku, ukutila ifwe twalaba abakwiluka pali Lesa nganshi icakutila ifwe tulemona ukutila Imwe muli muno.

¹⁹⁶ Kabili aba bantu mu mulongo, ilyo baya ukupita muli uyu mulongo, Shikulu...pantu ifwe tulecita ici pa mulandu, ukutila ifwe twalipela ubulayo kuli bena. Kabili Imwe mwatile, “Ifi fishibilo fikakonka abo abacetekela.”

197 Aba ba munyina bakapyunga na beminina kuno, abaume abo Imwe mwasala, ilyo mufula we sonde taulengwa, ukuba ifyo bena bali muno bushiku. Imwe mwalishibe, ilyo takulaba isonde, ukutila ifwe tukeminina muno muno bushiku, pantu Imwe mwalishiba fyonse.

198 E ico ifwe tulepepa, Shifwe uwa mu Mulu, muno bushiku, ukutila ilyo aba bantu abalwele, abalemana molu, impofu, abalemana, abalikwa ne mpwalonda, conse ifyo cena cingaba, abo abalapita muli uyu mulongo, lekeni bene beshibe ukutila Lesa wine uyo waishiba inkama sha mutima ali no kubondapa, nga bena bali nokusumina fye cena, ukulolekesha fyena no kwiluka.

199 Umuntu uyo walolekeshe pa nsoka ya butale nga shimapepo fye—iciputulwa ca butale, ena tekuti ondapwe, pantu ena takwete ukwiluka ifyo cena cali.

200 Kabili ilelo, Shikulu, cimo cine. Nga bena balelolekesha pa cabupe, ukutontokanya pali cena limbi kuti cabafwilisha bena, bena tabakwata ukwiluka. Cena caba fye icishinkisho ca Mulola wakwa Lesa uyo uuli muno ku kundapa. Peleni cena, Tata. Lekeni cena cicitwe, mwi Shina lyakwa Yesu. Ameni.

201 Ndefwaya uulisha piano umunono, nga ena ali nokucita, umwaume atemwa umwanakashi, uyo onse cingaba, ukuya kulya lubali no kulisha ulu lwimbo, “Shing’anga umukalamba nomba ali mupepi, Yesu wa luse,” nga ena ali no kucita, konse uko uulisha piano ali. Nomba cilya cili . . .

202 Ndeibukisha kumo ukwakulongana kwandi kwa kubalilapo kwa kundapa, Fort Wayne, Indiana. Umukashana umunono umu Amish alikele, alelisha ilya piano, “Shing’anga umukalamba nomba ali mupepi nomba, Yesu waluse.” Akamwana akanono kaliletelwe kuli ine kuntanshi, kali akalemana amolu. Kabili ilyo nalepepela kalya kamwana, kena kalitolweke ukufuma mu maboko yandi kabili kalibutwike ukucilinganya ku ntanshi. Banyina bafwile umutombo. Banakulu baposele akatambala kabo no kutendeka ukulila.

203 Kabili uyu umukashana umunono umu Amish nomba, ukwabula ukwishiba nangu cimo palwa cintu icili conse pali ba Pentecostal, pantu ena ali ku lukuta lwa Amish; lelo ena alelisha. Imishishi yakwe itali yawilile kunuma; ena aimine mu Mupashi no kutendeka ukwimba mu ndimi shimbi, kabili i . . . kabili ukulingana na lulyo lwimbo. Kabili yalya ama batani ya piano yatendeke ukusela uku no ku, ukulisha, “Shing’anga umukalamba nomba ali muno, Yesu waluse.” Ameni! Ena aba cimo cine mailo, ilelo, no muyayaya.

²⁰⁴ Nomba natupepe nomba ilyo . . . Nomba lekeni cila muntu kunse kulya apepe. Imwe mwe bantiu mwe baleisa ukupita mu mulongo, ilyo twabika indupi pali imwe, ibukisheni, Yesu atile, “Nga imwe kuti mwacetekela cena, imwe kuti mwaba abatuntulu.” Imwe mulecetekela cena? Nomba lekeni ifwe bonse twimbe nomba.

Shing’anga ali mupepi,
Shina lyakwe ni Yesu,
Atubelele . . . (Lekeni fye twisale fye amenso
yesu nomba ilyo tuleimba) . . . luse,
Owe, Yesu mfumu Yesu.

Bulo lwimbo lusuma,
Lwe shina lyakwa Yesu,
Lwimbo . . . (Tata Lesa, endeni pabantu
nomba) . . . lusuma,
Yesu, mfumu Yesu.

²⁰⁵ “Shing’anga . . .” Nomba ilyo muleenda ukupita nomba, Ena ali muno. Sendeni icebo candi, atemwa imwe mucetekele cena mwebene, Ena ali muno. Umuntu onse mumapepo kunse uko nomba pa bantu.

²⁰⁶ [Munyina Branham na bakapyunga balepepela abalwele ilyo Munyina Borders aletungulula ulukuta mu nyimbo. Tapali kantu pali tepu—Ka.]

Mwe Shikulu, nincetekela; Mwe Shikulu,
nincetekela;
Fyonse filacitwa, Mwe Shikulu, nincetekela.

²⁰⁷ Bonse abo abacetekele, imyeni ukuboko kwenu nge *fi*, ukusosa, “Nincetekela.” [Ulukuta lwatila, “Nincetekela.”—Ka.]

²⁰⁸ Apa napekala umwaume uwikele apa. Umulandu nacikokwela; ukulanda, ena alefwa ne mpwalonda. Ena ali ne ci cinkonto. Takuli inshila mwi sonde ku mwaume ukuba no mweo, kunse ka kwa Lesa. Ena nakwata impwalonda monse mu, matumbo, kabili ena ali nokufwa nga tacabe uluse lwakwa Lesa. Kabili ndekabila ine kuti nacita fye . . . [Tapali kantu pali tepu—Ka.] . . . ishiwi lya kukoselesha kuli uyu mwaume.

²⁰⁹ E ico, iwe walishiba ba doctor tapali nangu cimo ico bengakucitila nomba. Iwe naucila cilya, mwamona. Kabili iwe uli . . . Iwe ukwete fye ishuko limo, kabili cilya ni muli Kristu, mwamona. Kabili, munyina, iwe . . . Ine nkafwa ubushiku bumu, na ine. Iwe ulingile ukuya, nga Yesu akokola. Ine ningile ukukumanya iwe kulya lubali, ukwiminina kulya pa Cipuna ca Bupingushi. Kabili muno bushiku . . .

²¹⁰ Namwishiba, kwati ni muli television, television yalisenda cilya ukutula cila nshita ifwe twasesha nangula umunwe wesu,

icintu icili conse, cilasungwa. Ishiwi ilili lyonse ilyo tusosa, lilasungwa. Nomba, mwamona, television yalishininkisha cilya. Nomba, television taipanga icikope, yena ipisha fye lilye tambe muli television. Mwamona, yena taipanga cena. Kwaliko television ilyo Adamu aendele pe sonde, kwaliko television ilyo—ilyo Mose aishile pita muli Bemba wa Kashika, kwaliko television ilyo Eliya ali pa Lupili lwa Carmel, mwamona, lelo bena elyo basangile fye yena nomba. Mwamona? Kabili nomba ukuli konse ine . . .

²¹¹ Ukusela ukuli konse tupanga, kabili iciunda icili conse, cena cilelisha ifyasungwa ifyo fikatukumanya pa Bupingushi. Ukusela ukuli konse uko tupanga kulingile ukutukumanya kulya. Kabili ningile ukwasuka pa mashiwi ayo nsosa kuli imwe nga kapyunga. Ningile ukucicita, pantu Lesa akanenga ukwasukilapo pali cena.

²¹² Nomba nga kuti nacita, ine kuti na mulenga ukuba abatuntulu; pantu imwe mukwete fye inshita inono, nga tacili ni Lesa. Nomba, naisa no kumupepela imwe, fyonse ifyo naishiba ukucita. Munyina, icintu icili conse mwi sonde, ico ningacitila umuntu ukwikala kulya muli ilye mibele, ine kuti nacicita.

²¹³ Leken i mwipushe, mwamona. Imwe—imwe—imwe na mundapwa kale, pantu Yesu aosele imwe eflyo mwali. Mwamona, “Mufilaso Fyakwe ifwe twalyundepwe.” Nomba nga kuti mwacita, ukufuma mukati ka mutima wenu, ukusumina cilya, imwe tamwafwe nomba, lelo muli nokuba no mweo.

²¹⁴ Nomba, mwamona, nomba natwishiba ukutila television ileisa ukupita muli cino cipinda. Ifwe natwishiba cilya. Ifwe tatulemona cena. Ifwe tekuti tumone cena, amenso yesu tayapangwa, amano yesu tekuti yacimone. Cena cisenda umupila uwapangwa atemwa conse ifyo cili, crustali, ukwikata cilya.

²¹⁵ Eflyo na Lesa epo ali. Ifwe tatumumona Wene, lelo ifwe natwishiba Ena ali muno. Yesu Kristu aba cimo cine. Lolekesheni, Ena aciilangisha fye Umwine, ifyo Ena ailenga Umwine. Nomba, nge fyo kundapwa kuli, nga Ena aliminine kuno kwine nomba, Ena tekuti amucitile nangu cimo imwe, mwamona, tapali icintu nangu cimo. Ngo Mwana wakwa Lesa aciminina kuno kwine, icili Ena eflyo ali, Ena ali muno, lelo Ena tekuti amucitile fimbi imwe, pantu Ena nailangisha kale umwine muno. Mwamona? Kabili Ena ali muno mwine nomba, cimo cine fye, ukumundapa imwe no kumulenga imwe abatuntulu.

²¹⁶ Kabili ulya na mayo munono alinjebele, atile, “Imwe mwalombele amapalo, no kusesema atemwa icintu cimo,” pali ena, ukutila ena akakwata akanya, naikala muli cilye cicinga. Kabili ena alicicitile, ena alikwete akanya kakwe.

217 Kabili nomba na mayo munono naikala muno. Nomba ena alikwete ukutumbulwa kwa cibukulo, kabili ca mupele ubulebe. Cisuma, ifwe natumona fye ifingi nganshi ifya filye fintu ukucitika. Nomba, umunono, nkashi. Ninjishiba uli Mwinakristu uwacine cine. Cinshi Lesa alekele iwe ukwikala apo, nshishibe. Ndecetekela nalimo. Nipa mulandu wakutula iwe naukwatera..Icitetekelo, iwe—iwe uleesha ukukwata icitetekelo, ukufuma umo, mwamona; lelo nomba lolekesha, twileka fye ukwasha ukukwata cena, leka tukwate fye cena nomba, mwamona, ifwe fye—ifwe tuli nokuba fye kulya. Cilya fye ceka eciliko kuli cena, cena cili nokutendeka ino ine nshita, kabili ifwe twalaba abatuntulu. Kabili imwe mwe bantu uko lubali muli ifyo ficinga, cinshi, atemwa—atemwa fyonse ifyo muli, ibukisheni fye ukutula Kristu epo ali.

218 Nomba mwatera, “Bushe kuliko umuntu umo, bushe mulemona icikope candi cilepita.” Owe, ee.

219 Nangula ifyebo fyakwa Yesu Kristu, ifyo Ena alandile ilyo Ena ali pano pe sonde, filepita muno mwine fye muli cino cipinda. Fyena tafifwa. Nibanga abaishiba ukutula cilya cishinka mu fya science? [Ulukuta lwatila, “Ameni.”—Ka.] Cisuma, cena ni cinshi? Lyena umupashi ulasenda cilya Cebo ico caba icalembwa, no kulenga ukumonekela. Owe, ubukata!


220 Ena ali muno. Ena ali muno mwine nomba, Shikulu. Ifwe fye...Ifwe twalimona ifingi nganshi, Ena alicita ifingi nganshi, mpaka ifwe twaba fye nga, namwishiba, ukuba fye nga bakuipununa pali cena. Nga ifwe kuti twaishiba fye, te cimo icintu ica kwelenganya, ukulondolola kumo ukwa fya masambililo yafya bulesa; lelo icishininkisho ukutula Ena alilaile Ena ali no kuilangisha Umwine muli ubu bushiku, uyu Ena alecilangisha cena kuno kwine kuntanshi yesu ino ine nshita. Ifyo caba icintu icawama! Bushe cilya taciweme? [Ulukuta lwatila, “Ameni.”Ka.]

221 Nomba uleceetekela. Bushe walacetekela cena? Cetekela iwe tawafwe. Iwe walaba no mweo, kabili iwe walacindika Lesa. Imwe mwalacindika Lesa. Bushe walibatishiwa? Iwe uli Mwinakristu, bushe efo uli? Kabili uli Mwinakristu. Cisuma, imwe mulefwaya ukuba no mweo kukucindikilamo Lesa. Kanshi kabiye ube no mweo, munyina. Mwi Shina lyakwa Yesu Kristu, ba no mweo!

222 Kabili, nkashi, iwe ulefwaya ukwenda ku bukata bwakwa Lesa, no kusunga akanya kobe; kanshi enda, nkashi, mwi Shina lyakwa Yesu Kristu!

223 Imwe, cila umo muli imwe, citeni icintu cimo cine, mwi Shina lyakwa Yesu Kristu! Mwilabako iyi Westward Ho Motel

kuno muno bushiku, Umulola wakwa Lesa naulangishiwa muno. Ena te kacindika wa muntu. Ena afwaya fye ukucetekela. Bushe mulecetekela Wene nomba? [Ulukuta lwatila, “Ameni.” Ka.] Lesa amupale. Ameni.

²²⁴ Natukontamike imitwe yesu nomba. Nshishibe abo basalile, uku—ukusalanganya. Munyina Mushegaiian muno, isa kuno kwine, munyina. Ena alasanganya mwipepo. Lesa akupale. Lesa akupale. 

LESA UYO WACINDAMA MU LUSE BEM65-0119
(The God Who Is Rich In Mercy)

Iyi Mbila na Munyina William Marrion Branham yaletelwe intendekelo mu Cingeleshi pali Cibili mu icungulo bushiku, Januari 19, 1965, pa Westward Ho Hotel mu Phoenix, Arizona, U.S.A., yafumishiwa muli tape iyambulwa kabili nailembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2009 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org